



सानसेयारि 'बड'सा' खौरांलाइयाव समाज्यादि जिउजो लोखा थावाय रायथाय, खन्थाय, खल, खल'बाथा आरु दावबायादि थावनि, पार्क बाइदिनि स्यायाव लिख्नाय लिख्दिनां दैथाय हर/ सानसेयारि 'बड'सा' खौरांलाइया खेबखानाबे फोसावगोन।  
बड'सायाव लिख्हरनायनि हुबा खालाम, 'बड'सा' खौरांलाइया खेबखानाबे फोसावगोन।  
सानसेयारि 'बड'सा मावखुनि  
माइबं नोगोर, जोहोलाव दैमालु लामा  
कक्राझार, बिटिसि - 783370  
Website: www.bodosanewspaper.com

BODOSA ★ A Bodo News Daily ★ Friday ★ 22 November, 2024 Kokrajhar, BTC, Assam ★ Vol.-34, Issue No.235 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

# बिस्वजित दैमारिनि नाजानायाव आसाम आयेन आफादनि लांगोनायाव फसंजाबाय बर'नि जारिमिनारि बायखोन्दा नेर्साननि अन्थाइ खाम्फा

## गिबि मन्थि ड० हिमन्त बिश्व शर्माआ बेखेवना होबाय

जारिमिनारि बायखोन्दा नेर्साननि अन्थाइ खाम्फा गाइसनाया जौनि थाखाय गोग्गाथाव: बिस्वजित दैमारि

कक्राझार/गुवाहाटी, 21 नभेम्बर: आसाम आयेन आफादनि बुंथिगिरि बिस्वजित दैमारिनि फिन मोनसेबाव बाख्नायथाव आरु बर' हारिनि देरगाथाव खामानि। बर' हारिनि जारिमिनारि सिनायथि नेर्साननि थाखाय आरु हारि सिबिनायनि मोनसे गेदेर खामानि

बर' थुनलाइ आफादनि बारग' नेहाथारिनि बिस्व शैनायाव कक्राझार जिल्ला बर' थुनलाइ आफादा दुखु फोरमायदों

बासगाव, 21 नभेम्बर: बर' थुनलाइ आफादनि कक्राझार जिल्ला आफादनि बारग' नेहाथारि, बारग' लेडाइ आफादगिरि, मिरु आफादनि बारग' नेहाथारि, बर' थुनलाइ आफादनि बुंथिगिरि दि बड'नि गाहाइ सुजुगिरि राजेन्द्र नाथ ब्रह्मनि अन्जालि बिस्व प्रभावति ब्रह्मनि शैनायाव कक्राझार जिल्ला बर' थुनलाइ आफादा गोथौ दुखु मोनाय फोरमायदों। मैया हरनि 2 रिगायाव कक्राझार सहरनि एमएलए देहा (□ 6 बिलाइआव)



मानवाने दिन्थिबावदों दैदेनगिरि बिस्वजित दैमारिआ। बर' हारिनि सासे गोखों दैदेनगिरि



बिस्वजित दैमारिनि समाव मोनसेनि उनाव मोनसे गोदान महर लादों आसाम आयेन आफादना।

बुंथिगिरि बिस्वजित दैमारिनि नाजानायाव आसाम आयेन आफादनि लांगोनायाव फसंजाबाय आसामनि गोजाम जारिमिनारि अन्थाइ खाम्फा एबा बर'फोरनि जारिमिनारि बायखोन्दा नेर्सान।



बर' हारिनि थाखाय गोग्गाथाव आरु देरगानो हाथाव गोखों

दैदेनगिरि बिस्वजित दैमारिनि नाजानायाव आसाम आयेन

आफादनि महरा मोनसेनि उनाव मोनसे गोदान महर लाबाय थादों। बिथानि नाजानायावनो आसाम आयेन आफादनि लांगोनायाव फसंजाबाय आसामनि गोजाम जारिमिनारि अन्थाइ खाम्फा एबा बर'फोरनि जारिमिनारि बायखोन्दा नेर्साननि अन्थाइ खाम्फाखौ दिने बेखेवो। आसाम आयेन आफादनि बुंथिगिरि बिस्वजित दैमारिनि दैदेननायाव दिने राइज्योनि गिबि मन्थि ड० हिमन्त बिश्व शर्माआ बेखेवनाने होयो वे जारिमिनारि बायखोन्दा नेर्साननि अन्थाइ खाम्फाखौ। राइज्योनि राजथावनि (□ 6 बिलाइआव)

## राइज्योनि जिल्ला बेंगिरिफोरजों गिबि मन्थि ड० शर्माआ भिडिअ कनफारेन्सयाव सावरायलायदों

दिसपुर, 21 नभेम्बर: आसामनि गिबि मन्थि ड० हिमन्त बिश्व शर्माआ दिने दिसपुरआव थानाय लकसेवा भवननि मेल जथुमसालिनिफ्राय राइज्योनि दरफोमबो जिल्लानि जिल्ला बेंगिरिफोरजों भिडिअ कनफारेन्सनि गेजेरजों मोनसे जथुम खुदों। वे जथुमयाव बिथाड 'मुख्य मन्थि महिला उद्यमिता अभियानि' (गिबि मन्थि आइजो फालांगियारि हाबाफारि) नि सोमोन्दे सावरायलायो। जथुमयाव गिबि मन्थि ड० शर्माआ मुख्य मन्थि महिला उद्यमिता अभियानि सिगानायनि



सोमोन्दे जिल्ला बेंगिरिफोरनिफ्राय मिबिथिना लायो आरु राइज्योनि गुबुन गुबुन ओन्सोलनि

मुलाम्फारिफोसो गोखें रंखाथि अन्सुंथाय गथायनायनि थाखाय नांगोबायदि राहा आजावनो

बिथोनमा फोसावयो। वे हाबाफारिनि गेजेरजों आइजो (□ 6 बिलाइआव)

हाज्याघट, 21 नभेम्बर: भारतनि सा-सान्जा ओन्सोलनि गाहाइ हाबग्रा लामा महेरि मिथिजानाय आसामनि गुवाहाटीयाव थानाय नेडफि हाडसआव दिने 3 थि नर्थ इस्ट एक्सप' 2024 बोसोरनि 3 थि एक्सप' प्रम'सनेल मेल खुंनय जायो। भारत सरकारनि इण्डियन चेम्बार् अफ कमार्च आरु एक्सटर्नेल एफेयर्सनि सुंथानायाव खुंनय नर्थ इस्ट एक्सप' मिटआव दर 4 गुबुन गुबुन हादत नेपाल, भुटन, बांलादेश आरु थाइलेण्डनि राजथादफोर बाहागो लायो। मेलाव भारत आरु गुबुन हादतजों मा बायदियै एक्सप' प्रम'सनेल



सोलाय-सोल' खालामनो हायो बेनि सोमोन्दे सावरायलायो। मेलाव सा-सान्जा गौथुमनि सोद्रोमा आरु आजिरा मोन्नाय आइएएस बिबानगिरि लॉकि फांस'आ बाहागो

लानाने बेसेन गोसा बिबुंथि होयो। गुबुन फांस'थि, भारत सरकारनि गुबुन हादतआरि राइज्योनि मन्थि पबित्र मार्बिस्ताआबो बाहागो लायो।

आसाम पुलिसनि थिसन्थाय आन्जादाव फिन बेले-बेजे

गुबुननि जानाने आन्जाद होनाने पुलिसजों लोगोसे सा 4 नंखाय विजाथिफोरखौ हमदों

मुसलपुर, 21 नभेम्बर: आसाम पुलिसनि थिसन्थाय आन्जादाव फिन बेले-बेजे सोमजिनायखो नुनो मोन्नाय जादों। वे खेबाव बे बेले-बेजे जाथाया सोमजिदों बाक्सा जिल्लानि बरखर पुलिस थानानि सिडव थायाय साउनआव सोलिबाय थायाय थिसन्थाय आन्जाद मिरुआव। मिथिनो मोन्नाय बादिब्ला मैया खुंफु'जानाय आसाम पुलिसनि थिसन्थाय आन्जादाव आन्जाद होनो (□ 6 बिलाइआव)

## कक्राझारआव मेलेरियाआ गिखंथाव महर लादों दासिम मेलेरियाजों सन्देर जानायनि अन्जिमाया 1901 सिम बांदों



कक्राझार, 21 नभेम्बर: बिटिसिआव राइजो-रजाफोरनि देहानि फासं बिटिसि सरकार जर'खा

गोनांथि होनाय समावनो बिटिसिनि सदर कक्राझार जिल्लायाव मेलेरिया बेरामजों सन्देर जानायफोरनि अन्जिमाया गिखंथाव महेर लादों। दिने मेलेरियाजों सन्देरजानाय सासे सुबुडा फाहामथाय लाबाय थायाय समावनो जिउ गोमायो। मिथिनो मोन्नाय बादिब्ला, कक्राझार सहरनि एम एर एम देहा फाहामसालियाव दिने फुडव फाहामथाय लाबाय थायाय समाव 25 बोसोर बैसोनि जांसर वारिनि जिउ गोमायो। मख'नो गोनांदि, जिउ गोमानाय लाइमोना कक्राझारनि आइथुगावनि थागिरिमोन। मिथिनो मोन्नाय बादिब्ला थांनय बोसोरफोरनि बायदिनो देरलायबो कक्राझार जिल्लानि सिडव (□ 6 बिलाइआव)

गसाइगावयाव मा 40 मोसौजों लोगोसे कन्टेनार बोखांदों, सासेखौ हमबाय

गसाइगाव, 21 नभेम्बर: कक्राझार जिल्लानि गसाइगाव सदर सोहोरनि हाबुबिल सारियालि 27 नं. माहारियायि रजा लामायाव दिने फुंबिलि समाव पुलिसआ सिग्रोमनाय हाबाफारि लानाने गुबुन राइज्योनिफ्राय आयेन बेरखायै सुगं फालांगि महेर लाबोनाय मा 40 मोसौफोरजों लोगोसे बिपि 13 ए आर 4715 नम्बरनि गंसे ट्रकखौ बोखानायजों लोगोसे सासे सुबुंखौ हमदों। हमजानाय सुबुंखौ उत्तर प्रदेशनि मुजापरपुरनि थागिरि भावना होन्ना मिबिथिनो मोन्नाय जादों। (□ 6 बिलाइआव)

## कक्राझारआव थामथि मैहुर हारिमायारि थियेटर फोर्बोआ जागायजेनबाय

कक्राझार, 21 नभेम्बर: कक्राझार सहरनि खाथियाव थायाय बड'फा हारिमुवारि मिरुआव दिने थामथि मैहुर हारिमायारि थियेटर फोर्बो 2024-25 आ जागायजेनो। लोर्गि थियेटर गुपनि बान्जायनायाव आरु बिटिसिनि सावथुन आरु थियेटर बिफाननि हेफाजाबाव खुंनय बे फोर्बोआव गुबुन गुबुन गासै मोन 6 रावआव मोन 8 नायजाबफोरखौ दिन्थिफुंनय जागोन, जाय गुबुन मोनसे हारिमुवारि रोग'थिखौ दिन्थिफुंनोन। हे हाबाफारियाव कक्राझार बिधान सभा बिबायनि एमएलए लरेन्स



इस्लारीआ बाहागो लानाने गावनि बिबुंथियाव हारिमायारि बाहागो लागिरिफोरखौ बरायो आरु बिथानो मोनहा नुजाथिफे नायनि थाखाय साबायखर' जासियो। बिथाड थियेटरनि फासं थायाय



गोसो बोनायखौ फोरमायो। बिथाड बुडोदि, वे फोर्बोआ हारिमुवारि जोगाथाय आरु सोलाय-सोल'नि थाखाय मोनसे गोनांर जोसं महेर खामानि मावगोन। साहित्य एकाडेमि

होयो। वे फोर्बोखौ मार्कास डु साउटिजों सामब्लायजानाय इराजि फावथाय 'डा एक्सिम अफ चइस'जों जागायजेनाय जायो, जाय उदां हास्थानाय, दावहा आरु सानखांथिनि आयदनि सायाव सावरायो। बेनि उनाव मधुराम बर'नि जिउनि सायाव बिथा खालामनाय आरु सन्जिब के आर ब्रह्म आरु पबित्र मुसाहारीआ दैदेनय 'जाउलिया देवान'खौ दिन्थिफुंनय जायो। लोर्गि थियेटर गुपनि आफादगिरि सोमदोन ब्रह्म आरु जर'खा आलासिफोरजों लोगोसे थियेटर अन्सायगिरि आरु हेफाजाबगिरिफोरा बे हाबाफारियाव बाहागो लायो।□

## सालबारिआव मुंख्लं सुजित नार्जारि सावराय न'ब्लानि अन्थाइ खाम्फा गायसन्दों



भवानिपुर, 21 नभेम्बर: बाक्सा जिल्लानि सालबारि महकुमा सदरआव मैया मुंख्लं सुजित नार्जरी सावराय न'ब्लानि मुंजों गंसे राइजोआरि सावराय न'ब्लानि लुनायनि अन्थाइ खाम्फा गायसन्नाय जायो। मैया सानजौफुनि 11 रिगायाव मुंख्लं सुजित नार्जरी सावराय न'ब्लानि लुनायनि अन्थाइ खाम्फाखौ गायसन्नाय होयो सालबारि (□ 6 बिलाइआव)

मिज, सोलौंथाइ बिफाननि जिल्ला बिथांखि बिबानगिरि जाहांगिर हुसेइनजों लोगोसे माखासे गागि सुबुंफोर बाहागो लायो। मख'नो गोनांदि, जथुम्मानि थान्दे मेलाव दुलाराइ बिटिएडि लुफुंथाय

## दुलाराइ बिटिएडि लुफुंथाय मावफारिया आफादनि 8 थि बोसोरारि जथुम्मा खुदों

कक्राझार, 21 नभेम्बर: कक्राझारआव खुंनय दुलाराइ बिटिएडि लुफुंथाय मावफारिया आफादनि 8 थि बोसोरारि जथुम्माया दिने जाफुंसरे जोबलाडे। कक्राझार सहरनि मकरापापा फोथाराव सानसेनि हाबाफारिजों दुलाराइ बिटिएडि लुफुंथाय मावफारिया आफादनि 8 थि बोसोरारि जथुम्माया दिने खुंफुं जायो। जथुम्मानि हाबाफारि बायदियै फुंनि 9 रिगायाव फिर्गफला बिहोनाय, 10 रिगायाव थान्दे मेल आरु बेलासिनि 3 रिगायाव गेवलां मेल खुंनय जायो। गेवलां मेलाव बिपिएफनि एमसिएलए दनेस्वर गयारी, प्रफेसार आजिजुर रहमान, उखिल कादेर



मिजा, सोलौंथाइ बिफाननि जिल्ला बिथांखि बिबानगिरि जाहांगिर हुसेइनजों लोगोसे माखासे गागि सुबुंफोर बाहागो लायो। मख'नो गोनांदि, जथुम्मानि थान्दे मेलाव दुलाराइ बिटिएडि लुफुंथाय

मावफारिया आफादनि गोजाम आफादखौ समिफायनाने जगदिप चौहानखौ आफादगिरि आरु मलेक सेखखौ गाहाइ नेहाथारि महेर सायख'नाने सा 51 सोद्रोमानि मोनसे गोखों आफादखौ दाफुंनय जायो।

बेनि अनगयैबो बिटिआरनि मावफारिया रैखाथिखौ रोखा खालामनाय बायदिजों लोगोसे थान्दे मेलाव माखासे गोनांथार थांखि लायो।□



## सुजुगिरिनि खोलोम

## खामानि हारिमु

मानसि मावनो हायै हाबा एबा खामानि गैया आरो मावनो थाखायबो खामानिनि आंखाल गैयाखोबो नुनो हायो। मानोना सोरानाय फुंभिलिनिफ्राय जागायनानै मोनाबिलि समसिम खामानि मावनानै जिउ खुंनो मोजां मोनग्रा सुबुंफोर माबा मोनसे खामानि मावनायाव नांथावनायखो नुनो मोन्याय जायो आरो बिसोर बादि सुबुंफोरसो खामानि मावनानि हारिमुखो जौनि गेजेराव हमथानानै लाखिबोनायखो जौ नुनो मोनो। मावनाय दानायाव गोसो मोदोम हगारसरानै मावनो मोजोमनो हायै जानायनि थाखायनो आधिखालनि समाव आबाद फोथारफोरव सुबुंफोरनि होंगो-दोंगो गेसं जालानो हमदों आरो बे थासारियोनो खामानि हारिमु गोभालानो हमनायखो जौनि गेजेराव फोरमायनानै होयो। खामानि हारिमु बाडय जालानो हमनायाव आबादनि गाहाइ थिलि गामिनि थासारियाव थानानै जिउ खुंनो सुबुंफोर सुबुं धोन मावसोम हान्जा मोनो थाडै जानायाव आबाद मावनाय दिखानायफोरव गोभ्राब जेना फेनायखो नुनो मोन्याय जायो।

आधिखाल मोनफ्रोम बिधिडवनो गोनाखोयारि आइजें आरो आदोबजों हाबा मावनाय बादिनो आबाद फोथारवबो बिब्दिनो सोलायनाय फेदों। आबाद मावनो थाखाय दानि समाव नांगो-मोसोनि सोलायै ट्रेक्टरजों आबाद मावनो गोनां जाबाय। ट्रेक्टर एसेल' सम आरो सुबुंजौनो गुवार गुवार आबादथिलिफोरव आबाद मावनो हानाय जाबाय। नाथाय माखासे आंखालनि थाखाय आधिखाल आबाद फसल बोखानायव जेना फेनायखो नुनो मोन्याय जायो। हाल-एवनायनि थाखाय ट्रेक्टर बाहायनो गोलेब्लाबो नाथाय फसल बोखानो जोन्थोर गैयैलाय जेना फेनायखो नुनो मोनो। बेरफासं सुबुंफोर आबादनि फासं बानाय फेनाय आरो गामिनि गोबांथार सुबुंफोरनो सोहोर मोखों जालानो हमनायाव आबाद फोथारव मावग्रा सुबुंफोरनि अन्जिमाया लासै लासै बाडय जालानो हमबाय। गामि नागरानानै, आबाद मावनानि सोलायै गोबांथार रंखावरि आर्जिनानि थारिखै टाउन-सोहोर फासं आंखालानो गोनां खालामदों आधिखालनि सम आरो थासारिखो नायनानै। बेफोर जाहोननि थाखायबो गामि ओन्सोलफोरव मावसोम हान्जा एबा मावग्रा सुबुंफोरनि अन्जिमाया बाडय जालानायखोबो नोजोरव गोलैयो।

खामानि हारिमु एबा खामानि मावनानि हुदाया गावबा गावनि सायावसो सोनारो। खामानि मावनया खालिबोल' गोदो-गोदायनिफ्राय मावै-दाडै नख'र खुंनानि हुदा एबा सोलिबोनाय खालिबोल' जानो हाया। खामानि मावनानि गेजेरजों जायखि-जाया सुबुंफोर देहा सोलेरखो गोखों रफोद खालामनानै लाखिनायावबो मदद होनो हागौ। देहा सोलेरखो गोखों-थाजिम आरो रफोद थायोब्लासो सुबुंनि गोसो-मेलेम आरो सान्याय-हनायफोर खां आरो बेराम-आजार गैयै गोलाव जिउ खुंनानि लामा मोनो हागौ। बेखायनो बुनाय जायो-देहा थायोब्लासो धोन। देहाया गोगो, गोखों आरो थाजिम नडब्ला धोन-दौलतयाबो गोजोन होनो हाया। बे नोजोरनो आधिखालनि समाव खामानि मावनानि हुदाखो लानो हायोब्लासो देहाया गोखों आरो थाजिमै थानानै बेराम-आजार गैयै गोमो, गोजोन जिउ खुंनो हागोन।

बर'फोरनि गेजेराव खामानि मावनानि हुदाया दासिम सोलिनानै थानायखो नुनो मोन्याय जायो। नाथाय सिगांफोरनि बादि मावनाय दानाय, हाबा-खेरइफोरव ज'ज' सावरि जालायनाय, गाथा जालायनानै गावजों गाव माय गायनाय हालएवनाय, माय हानाय, बन-लाइ लायनाय, बादि खामानि हारिमुखो लाबो फिनानै गावजों गाव मदत होलायनायनि सम फेफिनबाय आरो बेनि गेजेरजों रंखावरि गारसानि सोलायै आर्जिनानायबो मदत होलायनाय जागोन।

## दिनैनि फान्जामुधि

## राशि बाइदियै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेघ:** सुथुर थानायफोर जोबखालांगोन। जेथिबो गोजोन मोनो हागोन। मोजां सान।

**वृष:** मानिबा थाखाय जिंगा सिनानो हागौ। जैरैबो शान्ति मोन्याय नड। गोसोखौ हमथा।

**मिथुन:** देहाया बेरामजों नाखेब जानो हागौ। देहाखौ सांग्राडै लाखिनानो।

**कर्कट:** जेखि मावा मुलाफ्रा आर्जिनानै लानो हागोन। फालांगिरिनि थाखाय मोजां सान।

**सिंह:** जैरैबो सुखुयै थानो हागोन। नख'र संसारआ जौगानाय फेनो हागौ। मोजां सान।

**कन्या:** सान्याय-हनाय गासैबो फेलें थांगोन। मोजां खामानिखौ मावनो नाड। गोसोखौ हमथा।

**तुला:** मावा मोनसे सान्याय थांखिफोर जाफुनो हागौ। गोसोखौ गोजोन मोनगोन।

**बृश्चिक:** सोरबा मोजां सुबुंजों लोको जालायनानै थानो हागोन। लोकोआ बांगोन। मोजां सान।

**धनु:** मानिबा थाखाय गोसोआव दुखु मोनानै गाबनानो हागौ। गोसो हमथानानै सोलिनानो।

**मकर:** फोथानानै खामानिखौ मावोबा जाफुनो हागौ। दिनैनि दिनआ मोजां सम।

**कुम्भ:** बे राशिनि थाखाय शुभ दिन। मोजां खामानियाव आगान सुरनो हागोन।

**मीन:** मानिबा जाथायनि थाखाय गोसोआ बोपरफाला बायनो हागौ। गोसोखौ हमथाना था।

## डमिनिकानिफ्राय माहारियारि बान्था मोनो हानायखौ गाहाइ मन्थि मदिआ भारतयारिफोरनिसिम बाउदों

जर्जटाउन, 21 नभेम्बर: डमिनिकाआ गाहाइ मन्थि नरेन्द्र मदिनो कस्ता इन्फेक्सननि समाव केरेबियान हादरआव बिहोमा होनाय आरो भारत-डमिनिकानि गेजेराव दरतै हादरयारि शेयारिखों बांहोनायाव बाउसोमनायनि थाखाय गावनि जौसिन मान बान्थाखौ गथायो। मख 'जाथावदि, बे समाव गाहाइ मन्थि मदिआ दर 3 हादरफोरव दावबायहैदों आरो डमिनिकाआव जोबथायै सौहैदों। गाहाइ मन्थि मदिआ बुधवारखालि बैयाव खुंफुंनय भारत-केरिकम शिखर सम्मिलननि समाव डमिनिकानि



हादरगिरि सिल्भेनी बार्टनआ डमिनिका एवार्ड अफ अनार बान्थाजों मान बाउयो। बे समाव

डमिनिकानि जौसिन माहारियारि मान बान्थाजों मान बाउजानायनि उनाव नरेन्द्र मदिआ बुडोदि, बे

बान्थाया आनि थाखायल' नड, भारतनि 140 कौटि

सुबुंफोरनिबो, बिसोरनि हारिमु आरो बिसोरनि आसार-खान्थिनि। जों दरतै सुबुंखान्थि हादर आरो जों गासै मुलुगनि थाखाय आइजो गाव आधिखव गसंथानाय गोहोनिल रत मडेल। बेजों मदिआ हादरगिरि सिल्भेनी बार्टन, गाहाइ मन्थि रुजभेल्ट स्केरिट आरो डमिनिकानि सुबुंफोरनो साबायख'र होयो। सिगां फासं भारतनि गाहाइ मन्थि मदिआ बुडोदि, भात आरो डमिनिका दरतैबो हादरआव आइजो हादरगिरि दड। बे दरतै हादरनि

हारिमुवारि सोमोन्दो दड। भारतनि थाखाय बेयो गोथौ गोजोन्नायनि आयदा जादोंदि, जों कभिड-19 बादि ख'फोदनि समाव डमिनिकानि सुबुंफोरखो मदद खालामनो हादों। मख 'जाथावदि, मदिआ गाहाइ मन्थि स्केरिटजों आलादायै आरो हादरगिरि चानजों आलादायै जथुम खुंदों। बिब्दिनो मदिआ त्रिनिदाद आरो ट्वेग 'नि गाहाइ मन्थि कौथ रलीजोंबो दरतै हादरयारि जथुम खुंदों आरो बारबाडसनि गाहाइ मन्थि मिया अमर मटलीजोंबो जथुम खुंदों।

## बोथोर सोलायनायजों दावहा नांनयाव भारतआ साबसिनै दिन्थिफुंदों: रिपर्ट



बाकु, 21 नभेम्बर: इएन बोथोररि सम्मिलनआव बोथोर सोलायनायखो दिन्थिनाय इन्डेक्स सिपिपिआइ 2025 रिपर्ट फोसावदों। दर 60 नि बांसिन हादरफोरनि फारिलाइआव भारतआ मोननै मासि फावसायनानै 10 थिआव जायगा आवग्रिदों। नाथाय बोथोर सोलायनायनि हेंथायै दावहा नांनयाव भारतनि साबसिनै दिन्थिफुं नायखौ बाख्नायनाय जादों। बेयाव बुनाय जादोंदि, भारतआ मुलुगनि बयनिखुइ बांसिन सुबुं सानखो गोनां हादर, नाथाय बेयाव साफ्रोम सुबुंनि दिह्थाय आरो इनांजि बाहायनाया आसा खालामनायनिफ्राय खमसिन।

सुलुंनि बादिब्ला, गिबि मोनथाम मासिखौ लांदाडै दिन्थिदों आरो ब्रै थिआव डेनमार्क आरो बेनि उनाव नै डारलेन्डआ दड। दरतै बयनिबो बांसिन दिह्नुगिरिआ जादों चीन आरो आमेरिका जाय फारियै 55 आरो 57 थि मासिआव जायगा मोन्दों। इउरपियान संघजों लोकोसे दर 63 हादरआ 90 जौखोन्दो मुलुगनि दिह्नुथायफोरनि थाखाय एबा आबहावा गेबें होनायनि थाखाय दायनिगिरि। रिपर्टआव भारतआ बे बोसोरव 10 थि जायगायाव दड आरो जौसिन दिन्थिफुंफ्राफोरनि गेजेराव दरसे। भारतआव साफ्रोम सुबुंनि

## कर्नाटकआव सरकारि देहा फाहामसालिनि फिसआ 2 गुनसिम बांबाय



कर्नाटक, 21 नभेम्बर: कर्नाटक सरकारआ राइज्योनि देहा फाहामसालिफोरनि फिसआव गोबां बांहोदों। कर्नाटकयाव फाहामथाय बिफाननि गेजेराव गोलेनाय देहा फाहामसालिफोरव फाहामथाय आरो डाइग्नस्टिक टेस्टआ 20 जौखोन्दोसिम बेसेन गोसा जाबाय। माखासे सिबिथायफोरनि टेक्सयाव 2 गुन बांहोयो। बेंगालर मेडिकल कलेज एन्ड रिसर्च इन्स्टीटुट आरो कर्नाटकनि गुबुन गुबुन मेडिकल सोलोलथाय फसंथानफोरनि गेजेराव गोलेनाय देहा फाहामसालिफोरव बांनया फिसा गोहोम गोलैयो। बिएमसिआरआइनि बिबानगिरिफोर टिआइओनो बे बाश्रानि खोरं होयोदि, फाहामथाय, साजरी, गुबुन गुबुन थै आन्जाद खालामनाय आरो स्केननि फिसखौ सोदांहोदों। बिबानगिरिफोरनि दलिल बायदियै थानाय 5-6 बोसोर सिगां सोदांहोमोन। बे बांनयाजों देहा फाहामसालिफोरखौ जोथोन लानायाव मदत मोनगोन। बिबानगिरिफोर बेखौ सरसनस्त्रा बांनया होना बुडो। गासै टेस्ट आरो फाहामथाया 20 जौखोन्दो बेसेन गोसा जायाखै आरो माखासे ब्लाड टेस्टफोर दासिमबो फ्रि होना बिबानगिरिफोर फोरमायदों। फिसआव सोदांनयनि उनाव स्पेशल कार्ड (सानै बेमारि) नि थाखाय टेक्सखौ 750 रॉनिफ्राय बांहोनाय 1,000 रं खालामना होयो। फासैथि सिंगेल बेड स्पेशल वार्डनि फिसखौ 720 रॉनिफ्राय बांहोनाय 2,000 रं खालामना होयो। बेर फासै जेनेरल वार्डनि फिसखौ 15 रॉनिफ्राय बांहोनाय 20 रं जायो। बेनि अन्गायै अपिडि रंजिस्ट्रेशन फिसआ 10 रॉनिफ्राय 2 गुन जानानै 20 रं जायो।

## स्टालिनआ जयशंकरनो लाइजाम लिहरनानै पाकिस्ताननिफ्राय ना हमग्राफोरखौ रैखा खालामनो खालायदों

चेन्नाइ, 21 नभेम्बर: तामिलनाडुनि गिबि मन्थि एमके स्टालिनआ मिरुआरि गुबुन हादतयारि मन्थि एस जयशंकरनो लाइजाम लिहरनानै मिरुनि हेफाजाब बियो। स्टालिनआ बुनाय बायदिब्ला, बे बोसोरनि जागायनायाव पाकिस्ताननि नेभिफोर सा 14 भातआरि ना हमग्राफोरखौ जिम्मायाव लादोंमोन आरो आधिखालाव बिसोरनि रेहायखौ रोखा खालामनो नाजानायाव गोखैथि लाबोनांगौ। अदेबानि जिम्मायाव लानाय ना हमग्राफोरनि गेजेराव सा 7 आ तामिलनाडुनि। ना हमग्राफोरखौ थानाय 3 जानुवारीयाव गुजरातनि परबन्दरनिफ्राय ना हमनाय समाव ग्रेप्टर खालामदोंमोन। बिसोरनि मेसिनारि ना हमग्रा नावफोरखौबो पाकिस्ताननि नेभिआ जब्द खालामो। गावनि लाइजामाव स्टालिनआ गासै 10

चेन्नाइ, 21 नभेम्बर: तामिलनाडुनि गिबि मन्थि एमके स्टालिनआ मिरुआरि गुबुन हादतयारि मन्थि एस जयशंकरनो लाइजाम लिहरनानै मिरुनि हेफाजाब बियो। स्टालिनआ बुनाय बायदिब्ला, बे बोसोरनि जागायनायाव पाकिस्ताननि नेभिफोर सा 14 भातआरि ना हमग्राफोरखौ जिम्मायाव लादोंमोन आरो आधिखालाव बिसोरनि रेहायखौ रोखा खालामनो नाजानायाव गोखैथि लाबोनांगौ। अदेबानि जिम्मायाव लानाय ना हमग्राफोरनि गेजेराव सा 7 आ तामिलनाडुनि। ना हमग्राफोरखौ थानाय 3 जानुवारीयाव गुजरातनि परबन्दरनिफ्राय ना हमनाय समाव ग्रेप्टर खालामदोंमोन। बिसोरनि मेसिनारि ना हमग्रा नावफोरखौबो पाकिस्ताननि नेभिआ जब्द खालामो। गावनि लाइजामाव स्टालिनआ गासै 10



दाननि जिम्मायाव लानायनि सायाव जिंगा सिनाय फोरमायो आरो ग्रेप्टर खालामजानाय ना हमग्राफोरनि नख'रफोरनि सायाव गोलेनाय गोहोम आरो रंखाथियारि जैनानि सोमोन्दे बाश्रा सावरायो। बिथाड बे बाश्रानि सायाव नोजोर होयोदि, खामायग्रा सोद्रोमा परबन्दरनिफ्राय ना हमनाय समाव ग्रेप्टर खालामदोंमोन। बिसोरनि मेसिनारि ना हमग्रा नावफोरखौबो पाकिस्ताननि नेभिआ जब्द खालामो। गावनि लाइजामाव स्टालिनआ गासै 10

सांग्राथियै दिखानो थाखाय आरज गाबो। बेजों लोकोसे गिबि मन्थिआ जब्द खालामजानाय ना हमग्रा नावफोरखौबो हरफिनो खालायदों, जाय ना हमग्रा आरो नख'रफोरनि थाना थानायनि थाखाय मख'जाथाव। बेनि सिगांनो स्टालिनआ जयशंकरनाव श्रीलंका नि बिबानगिरिफोरनि गेजेरजों भारतआरि ना हमग्राफोरखौ ग्रेप्टर खालामनाया बांनया के सनि सायाव सोलोखान्थियारि राहा लानो खालायदोंमोन।

## त्रिपुरा सरकार टाटा टेक्न 'लजीजों गोरोबथा फोसावदिंआव मुंसाइ खालामबाय

गुवाहाटी, 21 नभेम्बर: त्रिपुरा सरकार राइज्योआव गं 19 आइटीआइखौ आपग्रे ड खालामनायनि थाखाय टेक्न 'लजीज मिलिटेडजों लोकोसे मोनसे गोरोबथा फोसावदिंआव मुंसाइ होयो। टिटिआ 68.27 कौटि रॉनि आपग्रे डेशन यजनानि 86 जौखोन्दो पेमेन्ट खालामगोन, फारसेथि त्रिपुरा सरकार 14 जौखोन्दो पेमेन्ट खालामगोन एबा रंखाथि बाहायगोन। त्रिपुरा सरकार राइज्योनि आइटीआइनि गुदि बिथायाव साबसांहोनायनि थाखाय आलादायै 107 कौटि रं खरसा खालामगोन। जौगाखां बिथाथिफोरखौ 5 बोसोरफोरव मावफुंनय जागोन। त्रिपुरानि गिबि मन्थिया बुडोदि, राइज्यो सरकार गुवारै सावरयज्जालायनायनि उनाव दिने टिटिएलजों मोन 19 आइटीआइनि जौगाखांनयनि थाखाय मोनसे एमएएआव गोजाम सिलेबासफोरखौनो दिन्थिदों, जेराव साख्रिनि जेबो मिजिंफोरा गैलिया, जायजों ग्रेजुएटफोरनि थाखाय जिउ खानायनि खामानि नागिरनाया गोब्राब जाना फेदों। जौगाखां यजनानि गेजेरजों आइटीआइआ भारत आरो गुबुन हादत मोन्नेयावबो गोखों साख्रि मोन्थावना गोदान सिलेबासफोरखौ जागायगोन। यजनानि गुबुन मोनसे मुलाफ्फया



बेनोदि, टिटिएलआ आइटीआइ गोनांथि जायो। गिबि मन्थि साहाआ बुबावोदि, आइटीआइआ दिन्थिनाय गोदान सिलेबासआ बै

फरायसाफोरखौ गोसो बोनो हागोन, जायफोरा गोजाम सिलेबासखौ लाना फोथानया गोमाबाय।

## आधिखालाव दावहा नांनयनि टेक्निकआ सोलायसिगोन

चौहानआ बुडोदि, दावहाया जेब्लाबो सुबुंफोरनि गेजेराव मोनसे बादायनाय जाना थदों। बिसोर माखासे साबसिन हाथियारफोरजों लेस जानो हागौ। साबसिन बडी आर्म, तलवार, भाला एबा गोदान मुगानि राइफलजों लेस जानो हागौ एबा बिसोरनाव साबसिन गोहो थानो हागौ। बिथाड बुबावोदि, आधिखालाव दावहा नांनयनि टेक्निकआ सोलायसिगोन। मानोना आधिखालाव जों मोनसे गोदान जुगखौ जागायबाय। बेनि गेजेरजों दासिमाव जाय दावहाया सुबुंफोरनि गेजेराव जागासिनो दडमोन एसे उनाव बेयाव मेशिनफोर जागया लासिगोन।

अडिटरियामआव सिडिएसआ दावहा सोमजिनया आरो इयुनि दाड-बाजिनि थाखाय भारतनि थियारिफोरनि सोमोन्दे गुवारै फोरमायो। सिडिएस सौहानआ इयुनि दावहाखौ गोदान महर होग्रा मोन 3 गाहाइ टेक्निकफोरनि सयाव बिथाडा बुडो। अनिल







## आखांथियाव माबाफोर जोखोम नाडेब्ला मोब्लिब बोनाय बायदि मोन्दांथिनायनि मिबथिनो गोनां जाहोन

जॉनि जिउआव औरैबायदि गोबां जाथाय जायो, जायखौ जौ नोजोर होया। बेखौ मोन्दांथियोब्लाबो बेनि बागौ गोथौयै नायबिजिनय जाया। जैरै मेगननि फैसालि मोखेबनाय, सियाइनाय आरो आखांथि-हान्थु जराफोरव सौग्रावोब्ला मोब्लिब नांनय एबा मिजौनाय बायदि मोन्दाडो। माब्लाबा हरखाबै बिबिद मोन्दांथिनायाव जौ सोमोनांनयबो मोनो आरो माब्लाबा औरैनो मिनिनोबो ओंखारो। अदेबानि बेबायदि जानायनि जाहोनखौ जौनि गोबांआनो मिबथिया। खोनानायाव मिनिथाव मोनो, जायनि जाहोना जादों सरसनस्त्रा रावआव सुबुंफोरा आखांथिनि हाराखौ फानी बन्स होन्नाबो बुडे। बेनि आन्दोनि जाहोना मा? जौनि आखांथियाव माबोरैबा गोसा नाडेब्ला जौ मिजौनाय बायदि मोन्नायनि जाहोनाव उल्लर नाभं थायो। बे नाभंआ



जौनि हारा एबा स्पाइनिफ्राय ओंखारो आरो दाफोनाजौ थानानै थौंजौ आसिफोरसिम सौहैयो। आखांथि जरनि हाराखौ रेखाथि होग्रा बे नाभंजौ जेब्ला बबेबा मुवाया सौदावो अब्ला सुबुड मोब्लिब बोनाय बायदि मोन्दांथियो। दाफोनानिफ्राय आखांथिसिमनि गेजेयव थानाय हाराखौ हिउमेरस होन्ना बुडे। मख'जाथावदि, हिउमेरस ओंथिया

जादौ जंखायनाय एबा फनी, बेनि जाहोनाव बेनि मुंआबो फनी बन्स दोन्जादौ। बे हारानि मख'जाथाव बाश्राया जादौदि, बेयाव जायखि-जाया मुवाया सोग्रावोब्ला मोब्लिब बोनाय बायदि सेन्सेशन सोमजिखाडो। हारायाव सौदावनानै जौ बिबिद मोन्दाडो होन्ना सानो। नाथाय अल्लर नाभंआव बेनि गोहोमा सौहैयो। बेयाव नाहैयोब्ला निउरन्सआ

जौनि खर' मेलेमसिम सिगनाल दैथायहरो आरो बेयावनिफ्राय रिक्शनआ मोनसे कारेन बोनाय बायदि मोन्दाडो। जौनि देहानि हाराफोर आरो नाभंफोरखौ रेखाथि होनो थाखाय फेटनि थोफौं थायो आरो फिन बिगुण बेखौ खोबथेना लायो। सरसनस्त्रायै माबाफोर सौग्रावनायाव बिबिद मोन्दाड। नाथाय आखांथि जरायाव आलादा मोन्दांथियो। □

## बर' बिमा

नै नौ बिमा सोरजिगिरि जोनोम होदोमोन नौडे आंखौ जोनोमगिरि, आसा दड मोन नौहा बे संसाराव थानानै थानायनि रुजु रुमु रायजो जानायनि। नाथाइ इनाय सुथुरनि फावआव गोमालांबाय नौडे हरखाव बुब्लियाव दुखु-दाहा नागरनानै सुखु गोजोन बावजोबना थांबाय नौडे बबेबा दावसे हादाबाव। जोनोमगिरि नौडे बोर सारस्रियै, सोरजिगिरि नौं राहा दिन्थिफै। सिबिलांनो दुखुथिया बर' हारिखौ, गोहो होफे नौडे फोजोबस्रानो इनाय बानाय सुथुर हारिखौ। बिग्रायखां गोहोखौ दिन्थि हर बिमा खौसे जाथौं दुखुथिया बर' हारिया ॥ आय....नौं बिखायाव दावदाव दा गालांसै गासोखांदों बै समनि बर' जोहोलाव जोहोलाव जोखौ। सिखोला गाम्बारी बिरगोस्त्रि सिख्लामोन बायदि खौसेथिखौ। आय.... नौं गोबौ बिखायाव अननाय दडब्ला थारैनो फोजाखां फेदो नौं बिखायाव जोनानै बर' हारिखौ।

राजेश बसुमतारी  
ला:सो:- कारिगाव,  
गामि: आमगुरि,  
जिला- कक्राझार बि टि सि आसाम।

## आंनि हासथायनाय

हरखाव लोगो मोनजेनायावो आंनि थायने मेगना, नौनि हायना महरखौनो। आंनि गोसो गोरबोआ मानोबा नौनियावल' थाबाय थायो। गोसोखाडे आं अरायबो नौंखौ नागिनानै मोनबाय आं सायखना नौंखौल' बे फैलाव बुहुम बिखायाव। “नाथाय.... मोनथिनो मोना, सोर अनजालुया नौनि? खुगाजौं बुनो हायाब्लाबो लुबैदेंमोन आं नौनि खुगानिफ्राय फंसेल' रावखौ। आजोलि महरा नौनि मोनहां जागोन- जाया। गोसो जौल' आं नौंखौ हास्थायबाय थायो। उन्दुनाय गैया जिरायनाय गैया आंनि बै मोजोमसे जिउ सोलेराव। नौं अनजालिखौ गोसो खानानै जेब्लासिम आंनि जिउ सोलेराव थागोन। बि समसिम आंनि नौंखौ अनसायनायावो थाबाय थागोन।

दशरथ बसुमतारी  
जिला- कक्राझार बि टि सि आसाम  
गामि- 12 नं भुमखा

## नौं फैफिन माब्लाबा

-जनक उजिर

नौंदि एरायलांदो दोसे लामाजौं गले-गले बाइदि समाइना गोदे रावफोरखौ आंदि दोनखोमा फिन्नाडे। माब्रेथो सानखो नौं जेसेखि नौं होखोमाया नौनि मुश्रीयानोथ' हनै बुडे बिदिब्ला आंनि दाइया?? आं मिथिगौ नौनि बिखाया इनाइखौदि इसेबो सहाइया बेखाइसो नामा नौं आगानफ्रामबो दग'-मग'!!! बाइराव गंसे देरायावनो बिमाजौं उन्दुबोनाइ उफ्ले-उफ्ले फुथिया-फुथिया सोलौनाइ सानैजौं अ,आ बिमानि राव दाखालिसो बे देरायावनो खोनासंनाइ दुखुनां बड्नि जारिमिन सल' दिने गोसो गैयाब्लाबो मानोबा नौं बावगारनो सानो। नंखाइ दाइयाव बोरबप्लेनानै मॅगिललायोल' जौं सानैजौं!!! थेवबो फैसि-फैसिल' आं बेयो बाइप्लेनाइ देराखौ फाहामफिन्नो जेराव थागोन नौं-आं आरो.....।

## पिजिकेल लाभ

मोजां मोनोब्ला सासेखौनोमोन स'ना गोसो गोबौं गोथार बिखाजौं जेब्लाबो, गोबौं गोसो बावसोम जोबखाबाय आं नौंनो. नौंखौ गोबौं बिखाजौं अन्नाय होबाय आं ददरे मैना, गनायोना गनाया नौं रजे? गनायोब्ला दिखानानै लांगोन आं नौंखौ रैसुमै, गोजोन गोथार जुलिन थाखाय। नौनि महरावनो जानांबाय गोसो गोबौं जिउ आंनि बोदोरजौं उसिफाव उसाव-बादाव, थानो हाया गोजोनै दसे सम अराय। नौनि थाखायनो गासिबो हगार जोबबाय आं ॥ रिसोम बायदि गोसोम मिहि खानाय नौंखौ समायना बेरस्रं-बेरस्रं मेगन नौनि कमला बायदि जागा-जागा फावदुर, जारौ-रौ दुफावलु फारनै खावलाइ नौनि, रिजि,रिजि हाथाय मिनिस्तु मिनिखैरो। बुहुमाव नायगिरब्लाबो मोनाखैसै नौंखौल'सो मोनबाय आं अरायनि जिउ। गोसो आंनि गोसोआनोथ' फागोला बोदोर, फायुननि जावलिया बाराबो खालाम सिनबावबाय आंखौ हरावबो निन गैयै, समावबो निन गैयै। रैरुब महरा नौनि जाखौफैयो अराय सम हास्थायबाय आं नौंखौनो अराय सम। बेनो आंनि पिजिकेल लाभ ॥

-रिन्दाव बसुमतारी  
गामि- आमिन पारा,  
जिला- कक्राझार बि टि सि आसाम।

## रंजालि गथ'फोरनि सौरा

### रादाव

गोबौनि रादाव अनजालिनो दंमोन आंहा फोरमायनांगौ बियो नाथाय खोनास'ड आंखौ जानगाराव बियो आंखौ-मिनिखुमायोसो।

मोजां मोननायनि फेरिलनाय आंमालाय मा बुंनो बोदोर गोसोखौ? आजोला जौमोननि बोदोर गोसोनि राव नौनिमिम लिरहरो अरायबो लाइजाम रादाव।

नौं फै आंनि गोसो दरखंआव बिखा फुवारनानै नेनानै दं आं नौंखौनो आवु जिउजौं अननो थाखाय रादाव बेयो नौनिमिम रजे - सानैजौं आगान सुरलानायनि।

गलाप खुंगुर बसुमतारी,  
कक्राझार।

### उनथिं थाना मिनियो

फावथिना दिन्थिगिरिफोरसो फावदिन्थिनायाव गावफलानो हायो फाव जोबनाय उनाव बिसोरो फैसालिनि उनथिं थाना मिनियो।

सखिराम बर'  
राबां, बागसा

## गोरिब सुबुंनि मोजां मोननाय

मोजां मोनदोमोन आं नौंखौनो गोबौं बिखाजौं गोसो गोबौनि अन्नायखौ नौंनो नो होजोब दोमोन आं। आंनि अन्नाय होनाया नौनि थाखाय थोयै-लोमै; गोसोम महर लाना जायो नौं आंजौं मानिबा रागा-रागा। आंनि दुखु दाहानि खौरां फोरमायो नाथाय नौं मिनिनानैनो खोमाखौ फोथेयो, आंनि अन्नाय होनायखौ नेवसिबाय नौं आंखौ-गोरिब सुबुं होनाना। दुखु थाबाय आं अनजालि नौंजौं बे जोनोमाव जुलि जानो, सा-सात्रां गोसोजौं नौंखौ मोजां मोनदों होनानै-आं सानाखैमोन अनजालि। नौनि आंनि दानदिसे मोजां मोननायनि रावआ आंनि-बिखायाव बावनो हायै थपला खानानै थाबाय अनजालि बे आंनि गोरिब जिउआव।

उपेन्द्र बसुमतारी  
ला:सो:- सिम्बरगाव  
जिला- कक्राझार, बि.टि.सि. आसाम,

### आगै स'ना ददरे फादां

नौनि हायना गोनां महरआव आवलिबाय आंनि गोसो गोबौंआ। आदै मद, जान्जिया नौनि मोज्ज्याय जान्जि, गन्थंआ नारेंसु बायदि, खावलाय नौनि गोजा फाउदुद जागा जागा आंखौ खुदुमफै आदा आंखौ खुदुम होनलायनाय बिखा गोजौ गोजौ, हाथायआ रिगि रिगि समायना गुफुर, खानाइआ नौनि रुमबां, आखाइआ लाहि मिहि, गोदोना फले आसिगुर गोलाउ, रावआ नौनि बेरे बिदै बादि गोदे गेस्रेम। मा एसेबां समायना आगै नौंलाइ नौंखौ बे जोनोमाव मोनाब्ला सामथाइ बिफांआव दिन्दां थैगोन आं सयथि सयथि थैथारगोन स'ना फादां।

भद्रेस्वर सागीचारी  
ला:सो:- बेतबारी  
जिला-बागसा, बड'लेण्ड

## सिमांआव नौं आंखौ रायदाव फैदों

सिमांआव रायदाव फैनाय अनजालिनि बेरे बिदै बादि गोदे राव ! फुबिलिनि सान गोरलैबादि बिनि महर मोगथाडव सानखाडेब्ला आं हारसिनो जायो उसुखुथु। लाजिहां माहां मिनिस्तु रावजौं बुनानै लादोमोन गावनि गोसोनि रावखौ बेसेदि मोजां मोनो बियो आंखौ ! गावनि बिखानि साखाथियाव नौंदि आंखौ लेंहरदोमोन जारौ गुसथिजौं मिनिखैरो मिनिनानै लाजिसुलि महर मोखांजौं आखाय फायखन फायखन। नौं आंनो होनाय अननायखौ लानानै सुजुनो खाबु मोनदोमोन सिमांनि राज्योआव नौं आरो आंनि गंसे देरा ! सिमांनि राज्योआव सुजुनाय नौं आरो आंनि बै गोजोन देराया बेसेबादि गोदे ! थारैनो सिमाडव नौं आंखौ रायदाव फैनामोनब्ला माब्लाबाबो सिमांनि राज्योआव गंसे देराखौ आं सुजुनो हानाय नडामोन ! नौं आंखौ सिमाडव रायदाव फैनायखायसो आं गंसे देरा लुफुनो खाबु मोनदों।

दैथुन बसुमतारी  
खामारदेसा गोजौ  
फरायसालि, बाक्सा

### आरो मालाबा....

मानसि जिउवाव मानसिनि गोसोनि मिजिनाया मालाबा जाफुडेबो आरो मालाबा...

-रैदोम बर', बाक्सा

## मबाइल

मदन चन्द्र ब्रह्म  
बंसिगाव।

आंनि मुड मबाइल आं मानसिफोरनि मोजां लोगो जाय आंखौ बाहायो बियो सानफ्रोमबो सानसे आंखौ बाहायनो, मोनाब्लानो गोसोखौ खेंखुर-खेंखुर मोनबाय थानाय बायदि मोनो। आं गोबां खेलाबो गेले जायो, जैरै मानसिनि सावगारि, बायदिसिना रोखोम-रोखोम सावगारि सेबखांनय, मोजां-मोजां, बर' केसेट, हिन्दी केसेट, इराजी केसेट, असमीया केसेट, बांला बायदि बायदि गानजौं लोगोसे, मिउजिक फोरखौबो आं सेबखांन लानानै मानसिफोरनो खोना संहोनो हायो आं बिगियान मुगानि मोनसे बिगियाननि गोमोथाव होनाय होथाय। आं दिने सुबुं माहारिनि गेजेराव उजिनानै आंनि बिसुगे बादि खालामनानै लानो साननायानो आंनि गुबै मिजिक आरो थांखि आं मानसि माहारिनि खाथि, गोजान, मटर, गारिजौं सानसे, साननै, सानथाम, बेनि बांसिन समनि गेजेरावबो खौरां होनो हायैखौ आं गोरलैयैनो खम समनि गेजेरावबो खाबुखौ होनो हागौ। आं मबेबा मबेबा टावार गैयै जायगायाव नाड लासैबो थानो हायो। आंखौ मोजाडै बाहायफुंनोब्ला खाथि गोजान टावार गायसनानै होब्लानो आं गासैबो जायगायानि सुबिधाफोरनि राहाखौ मानसिफोरनो जगायनो हायो। आं दिनेनै बे मुगायाव सेंग्रा सिख्लाफोरनि साबसिन लोगो जाबावबाय। आंनि दारैनो नौं बबे जायगायाव दं होना सौब्ला, आं नै बे गौरां सेरावनो दं होनाय गुबुननो फोरमाय हरनो हायो। आं सेंग्रा-सिख्लाफोरनि गोसो थोलायनायनि सुबिधानि लामाखौबो होनो हायो, आं सारा बुहुमखौनो सागलोबनानै जानो हाब्लासो आं गोजोनगोन। फै आंनि खाथियाव सनाफोर आं होगोन सुबुं माहारियाव अरायबो मुलाम्फा आरो मदद।



## गाहाड़ मन्थि मदिआ गुयानाआव मोन 7 जर'खा बिथांखि दिन्थिदों

गोदान दिल्ली, 21 नभेम्बर: भारतनि गाहाड़ मन्थि नरेन्द्र मदिआ गुयाना दावबायनाय समाव केरेबियान हादरफोरजों सोमोन्दोखों गोखोंसिन खालामनायनि फासैं गिदिर थॉखि आजावदों। बिथाड जर्ज टाउननि नैथि भारत-केरिकम शिखर सम्मिलनआव फालांगि, टेक्नलजी आरो टुरिजिम बायदि आयदाफोरग बांसिन नोजोर होदों। बिथाड केरेबियान हादरफोरजों सावरायनाय समाव बुधवारकालि बासत आरो केरिकमनि गेजेरनि सोमोन्दोखों गोखों खालामनायनि थाखाय मोन 7 गाहाड़ बाथाफोरखों नोजोर बोयो। गाहाड़



मन्थि मदिआ बुधवारखालि गुयानासिम सौहैना 50 बोसोरनिबो बावसिन समाव बैयाव गिबिये आगान हैनाय भारतयारि गाहाड़ मन्थि महरै थिसनजायो। बिबुंथियाव मदिआ भारत-केरिकम शिखर सम्मिलनआव बुहोदि, मोनबा टी ट्रेड, टेक्नलजी, टुरिजिम, टेलेन्ट आरो ट्रेडिसनखों जोगाहोनायनि थाखाय गासैबो हादरफोरनि प्राइभेट सेक्टर आरो स्टेट क बल्डारफोरखों

सरजाबनायनि थाखाय मोनसे अनलाइन पटैल बानायनो हागो। भारतआ एसएमइ सेक्टरआव आवगायलांगिसिनो दड। थानाय बोसोराव भारत-केरिकम जथुम्मायाव बिथांमोनहा एसएमइ सेक्टरफोरनि थाखाय 10 लाख आमेरिकन डलारनि ग्रेन्ट फोसावदोंमोन। जों आथिखालाव बेनि हाबाफारि मावफुंनयनि सायाव नोजोर होनांसिगो। केरिकमआ मोनसे ओन्सोलारि हान्जा। केरिकमनि खुंगिरि आरो गाहाड़ मदिजों 2019 आव इएनएजिएनि 74 थि जथुमआव लोगो मोनज्वायदोंमोन।

## ट्राम्पआ नाट' आरो कानाडानि थाखाय आमेरिकानि गोदान थान्दै फोसावदों

वाशिंन्टन, 21 नभेम्बर : आमेरिकानि गोदानै सायख'जानाय हादतगिरि डनाल्ड ट्राम्पआ गावनि केबिनेट मन्थिफोरनि मुंखों थि खालामनायनि उनाव आथिखालाव मख'जाथाव हादतफोराव आमेरिकानि थान्दैफोरनि मुंखोंबो फाइनाल खालामगासिनो दड। बेनि गेजेरजों बिथाड बुधवारखालि सा आटलान्टिक जुथाइ हान्जा (नाट') आव आमेरिकानि थान्दैनि थाखाय मावफुं सोद्रोमा अटार्नी जेनेरेल मेथ्यु जी व्हिटेकरनि मुंखों फोसावदों।



बेनि उनाव कानाडानि थाखाय आगुनि एमपि पीट हकेस्ट्राखों सायख'यो। बे मुंफोरखों फोसावनायजों इउरपीय इउनियन आरो कानाडानि गाहाड़ मन्थि जास्टिन ट्रुड'नि जेनाया बांनो हयो। बिसोरनि सानेबो ट्राम्पजों खान्थि सोमोन्दो दड। बबेखानि ट्राम्पआ गावनि फोथायजाथाव सुबुंफोरनि मुंफोरखों सायख'गासिनो दड। बेनिखायनो इउरपीय, इउनियन आरो कानाडानि टेन्सन बांनया रोखा। बेनि सिगां ट्राम्पआ इजराइलनि थान्दैनि मुंखोंबो फाइनाल खालामदोंमोन।

## गुगलनि सिइअ सुन्दर पिचाइआ डनाल्ड ट्राम्पजों फनआव बाथा सावरायदों



गोदान दिल्ली, 21 नभेम्बर : आमेरिकानि हादरगिरि मासिनि थाखाय सायख' जानाय डनाल्ड ट्राम्प आरो मुंदांखा इन्डास्ट्रीएलिस्ट एलन मास्कनि लोगोआ दा मिबथिजानाय जादों। बिसायख'थि देहाखानायनि उनिनफायनो सानैजों जेब्लाबो जयै थाबाय थारदों। जेब्ला गुगोलनि सिइअ सुन्दर पिचाइआ ट्राम्पनो फन खालामो अब्ला बे समाव मस्कआबो कलआव दंफायोमोन बेनिफ्राय बे बाथाया फोस्मान जादों। द इनफर्मेशनि सुलुंनि बायदिब्ला, पिचाइआ बावैसो सिगां आमेरिकानि हादतगिरि बिसायख'थियाव कमला हेरिसजों देरहानायनि थाखाय बिथांआ ट्राम्पखों हामब्लाइथि होनो थाखाय फन खालामदों। बे समावनो मास्कआबो बे कलआव लोब्बा लाफायो आरो साथामनि गेजेराव सावराय लायनाय जायो। बेनि सिगां, मास्कआ गुगलनि सार्य रिजाक्टआव पारिफैलिटि खालामनायनि थाखाय दाय फोनादोंमोन, जेराव बुंदोंमोनदि, ट्राम्पखों सार्च खालामनायाव हेरिसजों लोब्बा थानाय खौरांफोरासो नुजाथियो। टेस्ला आरो स्पेसएक्सनि सिइअ मस्कआ सिगांआवबो मुलुगनि दैदेनगिरिफोरजों लोगोसे टेलिफन कलआव बाहागो लाखांबाय आरो मावसुमाफोरनि सेलेक्सनि सायाव एडभाइस होखांबाय।

## इउक्रेनआ ब्रिटेननि मिसाइलफोरजों रासियानि सायाव गाग्लोबदों



क्विव, 21 नभेम्बर: 33 दाननिफ्राय सोलिबोनाय रासिया-इउक्रेन दावहानि दोहोंआ बांगसिनो दड। आथिखालाव इउक्रेनआ ब्रिटेननि स्टार्म शोड मिसाइलफोरखों रासियानि सिमना सिडाव गावहरो। बेरा फारसे आमेरिकाआ दावहानि थासारिखों दुंहावसिन खालामबावनो इउक्रेननो रासियानि हेंथायै आमेरिकानि एन्टीपारसिलेन्ड माइनखों बाहायनो गनायथि होबावदों। आथिखालाव रासियानि नायबिजिरनायनि

सांग्राडै थानो थिन्दों। बेनि गेजेरजों ब्रिटिसनि गाहाड़ मन्थि कोर स्टारमरनि बुंथिगिरिआ बिनि मावख'या बे हाबाफारिनि बिथिडव जेबो बिबुंथि होनाय नड होना बुडे। बेनि सिगां ब्रिटेनआ इउक्रेनआ गावसोरनि बे मिसाइलफोरखों बाहायनो हागोन होना बुंदोंमोन। फारसैथि लाओस दावबायहैनाय आमेरिकानि रैखाथि मन्थि लायड आस्टिनआ फोरमायोदि, बाइडेन खुंथाया रासियानि दावहायाव इउक्रेनखों मदत खालामनो थाखाय बिसोरनो आमेरिकानि होनाय बारुद थानाय सुरंगफोरनिफ्राय बम गावनो गनायथि होबाय। बेनि सिगां रासियानो थानाय मंगलबारावनो गुन्द्रासा नायबिजिरनो थाखाय गावसोरनि नेम-खान्थियाव सोलायखांबाय होना बुडे।

सांग्राडै थानो थिन्दों। बेनि गेजेरजों ब्रिटिसनि गाहाड़ मन्थि कोर स्टारमरनि बुंथिगिरिआ बिनि मावख'या बे हाबाफारिनि बिथिडव जेबो बिबुंथि होनाय नड होना बुडे। बेनि सिगां ब्रिटेनआ इउक्रेनआ गावसोरनि बे मिसाइलफोरखों बाहायनो हागोन होना बुंदोंमोन। फारसैथि लाओस दावबायहैनाय आमेरिकानि रैखाथि मन्थि लायड आस्टिनआ फोरमायोदि, बाइडेन खुंथाया रासियानि दावहायाव इउक्रेनखों मदत खालामनो थाखाय बिसोरनो आमेरिकानि होनाय बारुद थानाय सुरंगफोरनिफ्राय बम गावनो गनायथि होबाय। बेनि सिगां रासियानो थानाय मंगलबारावनो गुन्द्रासा नायबिजिरनो थाखाय गावसोरनि नेम-खान्थियाव सोलायखांबाय होना बुडे।

## स्ट्रीट-इन्टारसेक्सनफोरनि आबहावनि गुनखों गुगल मेप्सनि गेजेरजों मिबथिनो हासिगोन

गोदान दिल्ली, 21 नभेम्बर : गुगलआ बुधवारआव एआइ-पावारड एयार ब्यु प्लास फिचार लन्च खालामो। बेनि मुलाम्फाखों गुगल मेप्सनि गेजेरजों हादतनाडेनि इउजारफोरा लानो हागोन। बेयाव गलि स्ट्रीट इन्टारसेक्सनसनि आबहावायाव गेजेरनायनि बिबांखों मिबथिनो हागोन। बेयो हाइपर लकेल थाखोयाव बारहावनि गुननि रियेल टाइमखों मिबथिहोगोन। मख'जाथावदि, हाइपर लकेस थाखोयाव बारहावनि गुननि बागै थोजासे नडा डाटानि जाहोनाव थांखिनाय नायबिजिरनायखों मावफुंनया सिमा गोनां जायो। बे सुबिधाया सरकारी बिबानगिरिफोर आरो सुबुंफोरनि थाखाय गोखों सुखानाय। इउजारफोरा गुगल मेप्सआव रियेल टाइम हाइपर लकेल बारहावनि गुननि खौरां



लानो हानाय जागोन। क्लाइमेट टेक फार्म आरक्षर आरो रेस्पायार लिभ साइन्सेजआ बै सहरफोरग बारहावनि गुन नायनो सेन्सार् नेटवार्क गायसन्नायाव मख'जाथाव बिफाव लादों, जेयव सिगां समाव बारहावनि गुनखों नोजोर लाखिनायनि थाखाय गोनांथार गुदि बिथा आंखाल दंमोन। बे सेन्सार्आ मोनफ्रोम मिनिटनि बिदुं आरो सिदोमाजों लोगोसे गुबुन गुबुन आबहावा गुननि मान दान्दाफोर, पिएम 2.5, पिएम 10, सिअ

2, एनअ 2 अजन आरो भिअसिखों जखा सुयो। गासै 150 नि बांसिन सहरफोराव लागायनाय बेफोर सेन्सारा लान्थियै बारहावनि गुनखों नोजोर लाखियो। आइआइटी दिल्ली, आइआइएटि ह्युडकोबाद, स्टेट पलुसन बर्ड आरो सिएसटिएपि बायदि आबहावा नायसंग्रा हान्जाफोरनि लकेस संदानग्राफोरनि मदतजों बेफोर सेन्सार्फोरनि खताखों थिसनय जायो। खताखों गुगल एआ बाहायना संदानग्राफोर नायबिजियो।

## बाबा बागेश्वर धीरेन्द्र शास्त्रीआ हिन्दु जड़ यात्राखों जागायबाय

मध्य प्रदेश, 21 नभेम्बर : हिन्दुफोरनि मोन्थाइनि बाथा बुंग्रा आरो हिन्दुफोरखों खोंसे खालामनो थाखाय दिनेनफ्राय बागेश्वर धामनि गुरु धीरेन्द्र कृष्णा शास्त्रीआ 160 किल 'मिटार गोलाव सनातन हिन्दु खोंसे पद यात्राआव ओंखारो। बे दावबायनायखों लानानै मध्य प्रदेशनि धतरपुराव बागेश्वर सरकारनि रोजा-रोजा सिबियारिफोरा खोंसे जायो। बागेश्वर सरकारनि दावबायनाया बागेश्वरनिफ्राय जागायानानै अस्थासिम थांगोन। 21 निफ्राय 29 नभेम्बरसिमाव सोलिबो गोनां बे दावबायनाय समाव धीरेन्द्र कृष्णा शास्त्रीआ हिन्दुफोरनो खोंसेथि खौरां होगोन। बे दावबायनायखों जागायनाय समाव धीरेन्द्र आ इन्डिया टिभिजों जर'खायै सावरायो। बे समाव



आमेरिकाआ गाजा दावहा दोन्थ'नाय थांखिनि सायाव भेट' जाबसिन्ना होदों

इउएन, 21 नभेम्बर: इउएन रैखाथि परिषदआव थानाय बुधवारखालि गाजायाव दावहा दोन्थ'नायखों लानानै मोनसे थांखि लायो। नाथाय बे थांखिआ पास जानो हायाखें। मानोना आमेरिकाआ बेनि सायाव भेट' जाबसिन्ना होदों। बेबादिनो बाइडेन खुंथाया फिन खेबसेबाव बै हारिमायारि नाजानायखों होबथानानै होदों, जायनि थांखिआ गाजायाव 13 दाननिफ्राय सोलिबोनाय इजराइल-हमास दावहाखों

बिथाड गोबां बाथा बुडे। बिथाड बुंनयाय बायदिब्ला, जोंनि हादतआव थानानै जोंनिनो मन्दिरफोरनि सायाव दखल खालामना लादों। बेनिखायनो हिन्दुफोरनावबो गावसोरनि मोन्थाइनि थाखाय जुजिनय मोन्थाइ होनांगो। जों रामनि जेनोम जानाय हादतआवनो राम मन्दिरनि थाखाय 500 बोसोरसिम जुजिनदों। जेराव शंकरआ जिरायनानै दड बेयाव बावर फैदों। आकबरनि जुगाव

बिथाड गोबां बाथा बुडे। बिथाड बुंनयाय बायदिब्ला, जोंनि हादतआव थानानै जोंनिनो मन्दिरफोरनि सायाव दखल खालामना लादों। बेनिखायनो हिन्दुफोरनावबो गावसोरनि मोन्थाइनि थाखाय जुजिनय मोन्थाइ होनांगो। जों रामनि जेनोम जानाय हादतआवनो राम मन्दिरनि थाखाय 500 बोसोरसिम जुजिनदों। जेराव शंकरआ जिरायनानै दड बेयाव बावर फैदों। आकबरनि जुगाव

बिसोर काशि बिश्वनाथआव मन्दिरखों मसजिद होन्ना फोरमायदों। जेराव भगवान कृष्णाआ उजिदों बेयाव मसजिद बानायदों। मख'नो गोनादि, बाबानि पार्टीआ बज्रबलिनि पार्टी, जायनि नेसोना मुगदर, बिनि स्ल'गान जाय रामनि नड बेयो जेबो खामानिनि नड आरो बनि गिखंथावसिन सोदोब ठठरी बरे। बे स्ल'गानजों गासै हिन्दुफोरनि पार्टीखों दानाय जादों।

हिजस्टीनआ इजराइलआव थांगसिनो दड आरो हिजबुल्लाहनि गाहाड़आ आमेरिकानि थांखिखों नायबिजिरिफनायनि बाथा बुंदों। इजराइल सांथिफोरग गाजा पट्टीआव बुधवारखालि फिन खेबसेबाव माखासे उरां जाहाजजों गाग्लोबनायफोरखों फिनाय होदों। बेयाव सासे रैका खालामग्रा मावसुमाजों लोगोसे सा 33 फिलिस्ताइनफोरनि जिउ गोमादों।

## मणिपुरनि हिंसायारि थासाटिया बांबोनायनि गेजेराव गोबां हान्जाफोरा राइज्योआव सौहैदों

गुवाहाटी, 21 नभेम्बर: मणिपुरआव हिंसायारि थासाटिया बांबोनायखों नोजोर होनानै सिआरपिएफ हान्जानि मोन 8 कम्पानीफोरा हिंसायारि राइज्योनि राजथावनि इम्फलआव सौहैदों। बे हान्जाफोरनि इम्फलआव सौहानायनि सानसे सिगां सिआरपिएफनि मोन 11 कम्पानीफोरनि आरोबाव मोनसे बेचआ राइज्योआव सौहैदोंमोन। बुधवारखालि बेयाव सौहैनाय सिआरपिएफ हान्जा आरो बिएसएफ हान्जानि मोनब्रे मोनब्रे कम्पानीफोरखों मणिपुरनि सिमनायाव आरो सन्देह खालामथाव ओन्सोलफोराव थिसननाय जागोन। सिआरपिएफनि मोनसे कम्पानीआ आइजो बेटालियाननिफ्राय फेनाय। मिरुआ बावैसो सिगां फोसावदोंमोनदि, राइज्योआव सिआरपिएफनि मोन 50 गोदान कम्पानीफोरखों थिसननाय जागोन। जेनागोनां राइज्योआव थानाय 1 सस्ताहनिफ्राय हिंसाया बांबोदों।



No.TECH-17/SE(B)/E-Tender/2021-22/51 Dated Kokrajhar the 20/11/2024  
Tender No. 623 of 2024-25  
PRESS NOTICE

The Superintending Engineer PWD Kokrajhar Building Circle, Kokrajhar on behalf of the Governor of Assam invites bids from approved and eligible Contractors Registered with Public Works Department (Building), Assam/ Contractors registered with Bodoland Territorial Council in the category of Class-I (A, B & C), Class-II & III for the 1 (one) No. of scheme/work for bids amounting to Rs. 46,49,696.00 ( Rupees Forty Six lakh Forty Nine Thousand Six hundred Ninety Six) only.

Details may be seen at website <http://assamtenders.gov.in> and also in the office of the undersigned during office hours.

Sd/- Superintending Engineer,  
P.W.D. Kokrajhar Building Circle, Kokrajhar

IPR(BTC)/C/2024-25/915

---

No.ACE-35/TECH/UDL(R&B)/IFB/2018-19/477 Dated Kokrajhar the 21/11/2024  
Tender No. 37 of 2024-25.  
PRESS NOTICE

The Addl. Chief Engineer cum Director, PWD, BTC, Kokrajhar invites bids on behalf of Governor of Assam for 2 (two) nos. of works under Udalguri District, total bid amount Rs. 92,20,953.00 (Approx) from the eligible contractor registered under Class-I (A, B & C) & Class-II category under PWD (Road/Building), Assam or BTC.

Details may be seen at website <http://assamtenders.gov.in> and also at the office of the undersigned during office hours.

Sd/-  
Addl. Chief Engineer, Cum Director, PWD,  
Bodoland Territorial Council, Kokrajhar

IPR(BTC)/C/2024-25/916

होबथादोंमोन। सा 15 सोद्रोमायारि रैखाथि परिषदनि सा 10 अरयथा नडे सोद्रोमाफोरनि फारसैनिफ्राय बे थांखिखों आवगायहोदोंमोन। बेयाव थाबेनो जेबो शर्त गैयालासे आरो अरयथा महरै दावहाखों फोजेबनो आर'ज गाबदोंमोन। बेयाव जोबथेना लाखिजानायफोरनि रेहायखों लानानै आलादायै दाबि दैखादोंमोन। परिषदनि सा 5 अरयथा सोद्रोमाफोरनि गेजेराव आमेरिकाआल' बे थांखिनि सायाव भेट' लागयानानै होदों। इउएनआव आमेरिकानि लेडइ थान्दै रबार्ट उडआ बुंदोंदि, वाशिंन्टनआ बे थांखिखोंल' मदद खालामगोन होन्ना नै रोखा खालामखांबाय, जेराव दावहा दोन्थ'नायनि बाथा बुंनयाय जादों। अदेबानि इजराइल-हिजबुल्लाह दावहाखों बुंनयाय जादों। अदेबानि इजराइल-हिजबुल्लाह दावहाखों फोजेबनो नाजानाय आमेरिकानि थान्दै अमस



# उदालगुरि जिल्ला साहित्य सभानि 2025-27 माइथायनि आफादगिरि, लेडाइ आफादगिरि आरो नेहाथारिनि मुं फोसावदों

उदालगुरि, 21 नभेम्बर: उदालगुरि जिल्ला साहित्य सभानि मावखुलियाव मोनसे जर्'खा मेलनि गेजेरजों 2025-27 माइथायनि गोदान आफादगिरि, लेडाइ आफादगिरि आरो नेहाथारि मुंखों हाबाफारि बायदियै मैया बुधवारखालि फोसावना होबाय। सोलिफु बोसोरनि थाखाय माखासे बिजाथिफोरा मोनथामबो मासिनि थाखाय नमिनेसनलाइ बुधुमदोंब्लाबो समनि गेजेराव बिजाथिनि थाखाय नमिनेसनलाइखों गथायखें। जायनि थाखाय महाम्मद तजर आलि आहमेदआ

आफादगिरि, सन्तराम कछरिआ लेडाइ आफादगिरि आरो दिबाकर बगया नेहाथारि महैरें हेंथा बादायगिरि गैयाजासे उदालगुरि जिल्ला साहित्य सभानि 2025-27 माइथायनि थाखाय बिसायख 'जायो होना जर्'खा मावफुं मेलनि गेजेरजों फोसावना होयो। मख 'नो गोनादि, आफादगिरि महाम्मद तजर आलि आहमेदआ आसाम साहित्य सभानि सासे जिउनां सोद्रोमा जानायनि अनगायैबो दिमाकुसि शेखर शंकर गोर्जोसिन गेजेरारि फरायसालिनि आजिरि मोन्नाय गोरारुं, लोमोसेनो लेडाइ आफादगिरि शन्तराम कछरिआ सासे थुनलाइ

अन्सायारिनि अनगायैबो आसाम साहित्य सभानि जिउनां सोद्रोमा आरो बिथाइ उदालगुरि जिल्ला सोलौंथाइ खोन्दोनि डिआइ महैरें आजिरि मोनबाय। नेहाथारि दिबाकर बगया आसाम साहित्य सभानि जिउनां सोद्रोमा जानायनि अनगायैबो टंलानि नर्थ दरंस्तिनियर सेकेन्डरि स्कुलनि बिबुंगिरि महैरें मावफुं बिबान सामलायगसिनो दड आरो टंला साहित्य सभानि आथिखालनि नेहाथारि बिबान मावफुगसिनो दड। फरसेथिं गोदाने सायख 'जानाय आफादगिरि महाम्मद तजर आलि आहमेदआ बुंदोंदि, उदालगुरि जिल्ला साहित्य सभाखों गुबुन

गुबुन बिथिनि गेजेरजों गोदानथि लाबोने नाजागोन। बेनि थाखाय जों जिल्लानि साफ्रोमबो थुनलाइ अन्सायगिरिनि हेफाजाब हांखायदों। फारसेथिं, गोदाने सायख 'जानाय नेहाथारि दिबाकर बगया बुंदोंदि, उदालगुरि जिल्ला साहित्य सभानि मानखों लाखिना जोथोन लागोन। बेजों लोमोसेनो गासैबो हरि-हारिआखों खोंसे लाखिनाथे थुनलाइनि मोनसे आबहावाखों सोरजिनारयनि अनगायैबो गोदान जोलैखों थुनलाइनि फारसे अन्सायगिरि खालामनो थॉखि आखाइयाव लागोन होना मख 'दों।

# भबानिपुरनि मोन 4 पन्चायतआव खुंन्याय खेल महारना जोबलांबाय

भबानिपुर, 21 नभेम्बर: आसाम सरकारनि गेलेमु आरो लाइमोन अन्साइ बिफाननि बिथांखि खेल महारनआ भबानिपुर जौगाखों खोन्दोनि सिडव थानाय गलिया, निज भबानिपुर, कलबारि आरो सरुपेटा गामि पन्चायतआव दिने खुंफुंजायो। मख 'नो गोनादि, खेल महारननि दिनेनि जोबथा सानाव फुंनि 6 रिंगानिफ्राय कलबारि पन्चायतनि जारिमिनारि गसाइ कमल आलि-सरुपेटा फोनांजाव लामायाव साइकेल रेस बादायलायनाय खुंन्याय जायो। खेल महारननि भबानिपुर खोन्दोनि जोथोन लागिरि एबा



गागि गेलेमुगिरि दिलिप कुमार दासनि दैदेन्नायाव खुंन्याय साइकेल रेस बादायलायनायखों

पुस्प बराआ। गलिया, निज भबानिपुर, कलबारि आरो सरुपेटा गासै मोनब्रै गामि पन्चायतनि गासै सा 200 निबो बांसिन बादायगिरिफोर साइकेल सालायनाय बादायलायनायवा बाहागो लायो। सरुपेटा गोजौ फरायसालिनि गेलेग्रा फोथार, भबानिपुर गोजौसिन गेजेरारि फरायसालिनि गेलेग्रा फोथार आरो गलिया मिनि स्टेडियामाव आलादा-आलादायै खुंन्याय मोन 4 पन्चायतनि गेलेगिरिफोरनि गेजेराव फुटबल, काबादि, एथलेटिक्स बादायलायनाय हाबाफारिया दिने साइकेल सालायनाय बादायलायनायजों खेल महारनआ जोबलाइ।

## सुंद'सल' -सैतेन्द्र वरकसारी

# सिमांनि सावगारि

फारौ जरासे नायगिरि नांगौमोनहाय! माबा दा सान्दे गात्रि गात्रि सिमां नुगासिनो दंथारो आं....। आखाय हांम्रां हांम्रां बिसाय सनारामखों थांखिनाने बुडे सुमायथिया। पुस दानि फुंबलि। गोजांन्याय बोथोर। सोरगिदिं खुवाजों फुहुन। लेब थसक जोमनानेबो गोजांन्याय मोनेनि बिजि सुमायथिखों बायजोनि अण्दवाव अर जरायहोदों बिसाय सनाराम। सिगारेत गंसे लगायनाने बोहाबदों। स' स' उखुन्दे नागर हरनाने माबा सानहाबदों। बिसायनि खुगानिफ्राय जेबो फिन ओंखारे नुनाने बाध्राखों जुरि फिन्दों गावोन सिमां नुथारदोंना आं! माबा न'नि मोसौ दामब्राया जि दों दों होसोखो! हाखु-दाखु न' सिडव हाबोनो होनाने खारनाया दरजायाव सौदावनाने ज्राम गोलैब्लासो सिरि मोनगरनायसे। दुखु मोनाखिसै? एदावनाय गाराडे सोडे सनाराम। सिमाडाव गोगलैनायानो दुखु मोनबाय जावलिआ। बाध्राखों बुंनाने ब्लाव ब्लाव जोंगरनाय बनखों थनैसो बख'नाने खोमोरनो नाजायो सुमायथिया। बे समावोनो रुवाथि थबसिया साहा होफैयो सानैनो। थबसिनि मोखाडव मोनथिस्लाबा जासे थाडे सनारामनि मेगना। दुंबुर साहाखों गरतसे सुरोबखोनाने मैया फरायसालिनिफ्राय फैनाने न' सिडाव जि जोम गा-सालयनाय समाव लोमोफ्रा। थबसिखों बुंन्याय बाध्राखोंनो गोसो खांदों सनाराम। बुंदों लोमोफ्रा थबसिखों बे पुस दानि सुगि बाग्रा गोजांन्याय बोथोरार मा बोरे हाबा माननांगो जाखो? बे समावोनो नोंहा मास्तार बाबुनाव सुयेथार गांसे बिहरना लानो हाया होम्बा?! बिहरब्लाने लाबोगोन बियो। मालाय नोंम्रा मास्तारआ दस्रा बायदि नंखाया। सनारामखों बिसोर नुनाय ना नुयै बेखों मोनथिला। सनारामनि गुजु सेमनायखों खोनानाने बिसोर नाथाय

फोरसा फोरसि थानों। सनाराम मास्तार गुबुन बायदि नंगौना नड बेखों मोनथिस' हालिया। बाध्राखों नाथाय सनारामा सानो गावबो। हर ससेनिफ्राय सिखारनाने दुमा दुम माय सौनांगो। सोरांन्यायनि सिगांजावोनो सिथला सिबनाय साहा फुं दुंन्याय कमप्लित जाजोबनांगो। बेनिफ्राय ओंखाम सनाय दुगौनो दै फुं दुंन्याय बिफोरखों मावनांगो बिबाना रुवाथि थबसिनि फाप्लियावनो। बिफां बिलाय सिरि होलायनाय गोजांन्याय गुदुं जि मोदोमाव गांसे गैयाब्ला रुवाथि मालायनो मोजां मोनगोन होमब्ला? खामानि मावनो आख' फाख' जाया होमब्ला। सानाने गावनो गाव एसे दुखु मोनो मास्तार बाबुवा। बिसि सुमायथिनि आखालाव सनाराम बाबुनि अनसुला गोसोया थावरिनो हायाखें नाथाय! खारखोमा हैनांदों बहाबा। दाखालै बिसिनि हेंथाखों मानिया बालानो रुवाथिथबसिनो हावाय सेन्देल जरासे होफेनानि थाखायनो जा बायदि जालांबाय! मालायबा मालाय रुवाथि थबसियासो गन्थं हासनाय बायदि मोनलाय थारदों लाजिनया। मास्तार सनारामा सानसनो हाया-सोदोमसिनि बारमोन्नाय सुमायथि मोनबायदिनि गोसोया मानो एफा सुंथाब (?)। सानबा सानाने मोथो मोथो रागा जोंखां गारदों सनाराम। गोमजोर गाराडे बुडे बियो बिसिखों फारौ सारौ आं मोनथिया। अखा नायब्लाथाय नोंहा मोदाय दावदायानोसै। संसाराव नोंसोर हिन्जावफोरखौल' सौनो होसोयो नामा- सिमाडाव। गुबुन बांगाल जंगाल फोरखौलाय माथो सानथिं बाथिनो सौखेबनाय नुयो आंलाय। आरो माथो जेबो जाया। सिमांखों गिनाने हाखु दाखु फारौ नायगिरनाने साय सालामि होनांगो जाबाय आं। बेहालागै सोलाबाखें। मा खालामो हारसिनो खालामबाय थानों। फारौ नांगो ना अजा नांगो आंनि सिगाडव दाबुंथार। बाध्राखों साहा लोंखांन्याय गिलास

लानो फेनाय थबसिया खोनानाने बाग्दाव खांदों। गिलुं गिलुं गिलास गंनैखों ट्रेयाव दैखानाने मिज्लो नायहरदों। मोनथि सवा थबसिया, मा जाहैगोन! बे समाव बिसि सुमायथिया बिसांयाव सिखारनाने बिमाखों गावजि गावजि गावनो हमनाय फिसाज्ला उदैखों लायनो थानों। फिसाजो गेदेरा थबसिया साहा फुं दुंन्याय अर जरायनायनिफ्रायनो अगादव सेराव जफानाने अर सायफा गसिनो। दुगौनो दै दुंसान्दे मैगं थायगं, आबाद फोथाराव थाबायग्लानाय हुदाया सनारामनि। बाध्राखों सनारामा दासो गोथौवे साननो खाबु मोनसिन्दों। दा सान्देदि बिसि सुमायथिया गात्रि गात्रि सिमां नुखागोन बेखों मोनथि खगौ सनाराम। बाराखों मा बुंनो गात्रि सिमांखों नुदों सनारामा गावबो। थावैनो बेनि मोजां लामा लायाब्लादि बे खेबाव माबा मेनसे खहा जानो हागौ बेखोंबो सानखादों सनाराम। थार बाध्राखों बुंनो थाडे सनारामा फोलादों बिसिखों। आं नड दै' निफाव लादों। दुगैयै दोलोयै जायै लोडे फरायसालियाव थानो ओंखारबाय सनारामा। गोसोयाव गैया नाथाय गोजोनन्याय। बेरुंजानि फारौनायगिरिनो थिन्नायनिफ्रायनो दुंलुब दुंसु खें खें मोनगसिनो। रुवाथि थबसि होफेनाय गय खान्दिसेखों खुगायाव सोब्रनाने आगान फोलावहां जाब्लानो थबसिया लाजिस्तु गिस्तुयै बुडे दालाय माथो खालाम बावनांगो जाखो आदा?

लानाने हाजिर। सनारामा बिसिखों मा बुंन्याय गाहाम जागोन रावखौनो नायगिरना मोनाखें। थोथोर बोथोर बेखौल' बुडे- हा मानोथो एसेबां हाखा दावरा खालामनो सानखो? बे बाराव फारौ लजों जागोन सान्दों नों!? सिबाय सुमायथि! जि बुजि नांगो बुजिबाय बिसायनि फंसे रावनिफ्रायनो। सिला गेजेरावनो दोम गंसनाने थाबाय बियो। मेगनाव मोदे ज्राम ज्राम। बिर्द' बिर्द' माब्लाबा न'मा न'नि खामसालि मोनहै बाय। बिखुंयाव बाजानाय फिसाज्लाया फारौ हमनो दाखुराय बायबाय। फिसायनि फारसे नायहरबाय बियो- फिसाया नाथाय लुं लुं माब्लाबा गोजान मोनहैबाय। सुमायथिनि खुगायाव रिखानो हमबाय बैथालि-बैथालाया। फरायसालियाव थानाने उम खुथुसो मोनहै सिन्दों सनारामा? गसा मायैनो सानजौफुं नि जिने बुलिस्सोयावनो फरायसालि नागरनाने न' फारसे हाखु दाखु आगान होफिनदों सनाराम बाबुआ। गोसोयाव मोनसेल' जिंगा थबसिखों न'याव मोनहैगोन ना मोनहैया (?)। सुमायथिया गथ' गथाय लानाने आलासि जाहै दोंमोन थानाय रास फुजानि समाव। बिमा बिफानि न'याव। सनारामा बिसिखों गावनो मथर प्टेण्डसिम दोन्ना फेदों। न'याव फैनाने रुवाथि थबसिखों बिजि बा.दि बाहा.फेदों- सनारामा....। दुगौनो दै खावहोदों। दुगैग्रा थखायाव लांहोदों। थबसिया जि थिन्दों बेखौनो मावलांदोलं। रुवाथि बादियैनो। दुगैग्रा थथानि दरजाखों फांथेनाने दानाय बिलिरनाय जिनिर हुहोदों थबसिखों। हौवाफोरनि मोदोम दांफेरनो मोनै थबसिनि थैया इलेक्ट्रिक दाहार बोहैनाय बायदि बोहैदों। मोनसे समाव सानैबो बेसेबां बा गोबाव सिरि....। रावगैया सोदोब गैया। सल'या नाथाय बेयावनो जोबाखें। थेवबो सुमायथिया गात्रि गात्रि सिमां नुनायनि जाहोनो बेखिनियावनो थोजासे जेब्ला सल'खौ बेयावनो दोनथ'ना जाबाय।

## (1 बिलाइनिफ्राय) राइज्योनि जिल्ला बेंगिरिफोरजों गिबि मन्थि उं शर्माआ भिडिअ कनफारेन्सयाव सावरायलायदों

फालांगियारिफोर जाहाथे 10 रोजा गडे मोनो हायो बेखों रोखा खालामनो थाखायबो गिबि मन्थिआ बिथोन होयो। गिबि मन्थिआ लोमोसे बुंदोंदि, बे बिथांखिनि गेजेरजों राइज्योनि आइजोफोरखों जौगाखांहोनानि गेजेरजों गाव गसंथाहोनय थॉखि लानाय जादों। मख 'नो गोनादि, मुख् मन्थि महिला उद्यमिता अभियाननि गेजेरजों राइज्यो सरकारआ आइजो गावसुंथा हान्जाफोरनो गामियारि फिसा उद्यमि गहरे सोरजिनयाव हेफाजाब होनायजों लोमोसे रंखाथियारि अनसुंथाय गथायनायनि गेजेरजों बोसोरारि आइखों बांहोनानि थाखाय खाबु गथायनायनि राहाखों आखाइयाव लादों। गिबि मन्थिआ सोलिफु बोसोरनि डिसेम्बर दाननि गेजेराव बिथांखिनि गासैबो हाबाफारिखों आबुं खालामनो जिल्ला बेंगिरिफोरखों बिथोन होयो। फारसेथिं गिबि मन्थि उं शर्माआ दै बानायाव ख'हा जानाय सुबुंफोरा जाहाथे थावैनो दै बानानि अन्सुंथायखों मोनो हायो बेनि थाखाय बे बिथिडवबो सावरायो। गिबि मन्थि जिल्ला बेंगिरिफोरखों दै बानाजों मोगा-मोगि जानाय सुबुंफोरनिमि रंखाथि अन्सुंथायखों हाबाफारि बायदियै गथायनायनि अक्टखों रोखा खालामनो बिथोन होयो। जथुमयाव गिबि मन्थिआ आनन्दराम बरुवा बाथा, साइकेल आरो स्कुटि बेखेवनाय, माइक्र फाइनैन्सनि दाहार रेहाय बिथांखिनि सिडव अन्सुंथाय गथायनो थाखाय दिथागिरि मन्थिफोरजों सावयलायनाने बेनि सोमोन्दे थॉखि लानो जिल्ला बेंगिरिफोरखों बिथोन होयो। बिथाडा बुंदोंदि, गासै बिथांखिनि सिडव मोन्नाय अन्सुंथायफोरखों सोलिफु बोसोरनि डिसेम्बर दाननि गेजेराव मुलाम्फारिफोर मुलाम्फा मोन्नायखों रोखा खालामनाने। बे भिडिअ कन्फारेन्सिनि समाव सोलौंथाय बायदि बिफाननि मन्थि डा: रनज पेगु, गाहाइ नेहाथारि उं रवि कता, गिबि मन्थिनि गाहाइ नेहाथारि उं के. के. द्विबेदीमोनजों लोमोसे राइज्यो सरकारनि गोजौ थाखोनि बिबानगिरिफोर बाहागो लाफेदों।

## आसाम पुलिसनि थिसन्थाय आन्जादाव फिन...

थानाने नंखाय बिजाथि महैरें थामथि पुलिस बेटेलियननि जहातआव साखि मावनाय बाक्सा जिल्लानि सालबारिनि सतिश (खौरं) बसुमतारि. फोमारी बसुमतारि, महेश्वर बसुमतारि, लिरथुम बसुमतारि, सिमान्त बसुमतारि आरो सोमखोर खेकतारिखों हमनो हायोय। मख 'नो गोनादि, खौरं बसुमतारि मुनि पुलिस जवानआ जहातनिफ्राय एएस 28 डि 5742 नम्बरनि गंसे गारिजों बाक्सानि बरपेटसिम गुबुननि जानाने आन्जाद होनो फेदोंमोन। नाथाय फोरमान लाइ आन्जाद खालामनाय समाव पुलिसजों हमजायो पुलिस जवानआ। दासादि बे जाथायखों लानाने पुलिसा बिबुंथि होनायनिफ्राय जानगराव थायोब्लाबो पुलिसजों पुलिस जवान हमजानाय जाथाया जिल्ला नाडेनो सोमोनानाय जाथाय सोमजिहोदों। हमनो हानाय नंखाय बिजाथिफोरखों दासादि बरवरि पुलिस थानायाव जेरा खालामगसिनो द' होनाने मिथिनो मोन्नाय जादों।

## सालबारिआव मुंखलं सुजित नाजरी सावराय न'ब्लानि अन्थाइ खाम्फा गायसन्दों

टिसिएलसिसिनि मासिगिरि बिनद मुसाहारीआ। अन्थाइ खाम्फा गायसन्ताने बिनद मुसाहारीआ बुडेदि, बड'लेण्ड सोमावसारनायनि गिबिसिन मुंखलं सुजित नाजरीनि गोसोखांथियाव बिटिसि सरकार बिटिआरनि मोन 40 बियाबाव गंफागै गासै गं 40 मुंखलं सुजित नाजरी सावराय न'ब्लानि लुनो थॉखि लादों। मख 'नो गोनादि, सालबारि महकुमा सदरआव गंसेबो जथाय सावराय न'ब्लानि गैयामोन। सालबारि महकुमा सदरआव राइजो-रजाफोर गोलाव समनिफ्रायनो गंसे राइजोआरि सावराय न'ब्लानि दाबिबोदोंमोन बिटिसि सरकार राइजो-रजाफोरनि दाबिखों मान होनाने सालबारि महकुमा सदरआव मुंखलं सुजित नाजरी सावराय न'ब्लानि लुनो थॉखि लादों। बिथाडा बुंबावोदि, बिटिसि सरकारनि मोनसे बिथांखिनि गेजेरजों 1 कौटि रं बाहायनाने सावराय न'ब्लानि लुफुंन्याय खामानिया आबुं जानायनि उनाव राइजो-रजाफोरनि मोनसे गोलाव समनि आंखाला सुफुंजागोन। अन्थाइ खाम्फा गायसन्ताने हाबाफारियाव सालबारि नोगोर जौगाखों आफादनि आफादगिरि मुकुल चन्द्र बर', बारा' आफादगिरि आरो सालबारि सिनियर सेकेन्डरि फरायसालिनि गोरारुं गलक चन्द्र बर', एबसुनि बाक्सा जिल्ला आफादनि आफादगिरि उमेश दैमारी, एबसुनि सालबारि दखरा आफादनि आफादगिरि देहासात बसुमतारिजों लोमोसे माखासे गागि सुबुंफोरा बाहागो लायो।

## बिस्वजित दैमारिनि नाजानायाव आसाम आयेन आफादनि लांगोनायाव फसंजाबाय बर'नि...

गुवाहाटी नोगोरनि बिखायाव थानाय आसाम आयेन आफादनि लांगोनायाव जारिमिनारि अन्थाइ खाम्फाखों फसंनाने बर'नि जारिमिनारि नैसनखों दिथिनया थारैनो बर' हारिनि थाखाय गोग्माथाव जादों। मख 'नो गोनादि, बुंथिगिरि बिस्वजित दैमारिआ आसाम आयेन आफादनि बुंथिगिरि बिबान सामलायनाय समावनो आसाम आयेन आफादनि जथुमसालिनि गोदाने लुफुंन्याय गोदान बिटिअआ बेखेवजादों। आसाम आयेन आफादनि हाबरा गेटआवबो बर' हांखोजों लिरगोदों। बेल' नड, बिथानि नाजानायावनो गाव सासे बर' फिसा हिसाबै आरो बर' रावआ आसामनि लोमो मावख'थारि राव महैरें गनायथि जानाय हिसाबै आसाम आयेन आफादआव मन्थि एम एल ए फोरनि थाखाय बर' रावखों बाहायजानाय खालामदों। बिथानि नाजानायावनो आसाम आयेन आफादआव बर' चेल दानाने गोबां बर' लाइमोनफोरखों आसाम आयेन आफादआव गुबुन गुबुन मासियाव अरायथा साखि थिसन्थाय होदों। गिबि मन्थि उं हिमन्त बिश्व शर्मानिफ्राय लानाने आसाम आयेन आफादनि गासै मन्थि, एम एल एफोरनि मुंखों गाव-गावनि जिरायग्रा थखायाव बर' हांखोजों लिहहोदों। बेफोर खामानिया जाबाय बिथानि बर' हारि, राव, हारिमु, थुनलाइखों मोजां मोन्नाय आरो सिबनायनि मोनसे बिदिन्थि आरो सिनायथि। जायखों दिने दुलाराय बर'फोरनो बिथानि बेबायदि खामानि मावनायखों बाख्नायालसे थानो हायाखें। बेनि अनगायैबो, बिथां बिस्वजित दैमारिया गाव सासे एम एल ए हिसाबै जौगाथायारि बिथिडव गावनि बियाबजों लोमोसे गोबां जायगाफोरव थाद'नाय गैये गोबां कौटि-कौटि रानि जौगाथाय बिथांखि मावफुंबेदों। दिने आसाम आयेन आफादनि लांगोनायाव फसंजाबाय बर'नि जारिमिनारि बायखोन्दा नैसन अन्थाइ खाम्फा गाइसन्तानयखोंबो बर'नि माहारियारि सिनसि आफाद दुलाराय बर' हारिमु आफादनि आफादगिरि दिपेन बर', बर' थुनलाइ आफादनि गाहाइ नेहाथारि निलकान्त गयारिजों लोमोसे आसामनि मन्थि, एम एल ए, गासै बर' दैदेनगिरि आरो बर' राइजो-रजाफोरनो गोजोन्याय फोरमायदों आरो आसाम आयेन आफादनि बुंथिगिरि बिस्वजित दैमारिजों लोमोसे गिबि मन्थि उं हिमन्त बिश्व शर्मानिसिम साबायखर जासिदों। दिनेनि बे जारिमिनारि बायखोन्दा नैसन अन्थाइ खाम्फाखों बेखेवजायाव हाबाफारियाव गिबि मन्थि उं हिमन्त बिश्व शर्माजों लोमोसे आसामनि केबिनेट मन्थिफोर उं रजुज पेगु, पिचुप हाजिरिका, अजन्ता नेयग, बिमल बरा, जगेन महन, सन्जय किशान आरो बर'नि गुबुन गुबुन आफाद गौथुमफोरनि दैदेनगिरिफोरबो बाहागो लायो। बाख्नायथावदि, बे जारिमिनारि बायखोन्दा नैसन अन्थाइ खाम्फाखों बेखेवनाय हाबाफारियाव बर'नि मोसाखावरि हान्जाया आसाम आयेन आफादनि लांगोनायाव समायाय रमायनायै बागुरुम्बा मोसानाने दिन्थिफुंन्यायखों नुनो मोनदों। लोमोसे डिमासा, सनवाल हारिनि मोसाखावरि हान्जायावो बे हाबाफारियाव मोसानाने दिन्थिफुंदों।

## बर' थुनलाइ आफादनि बाराग' नेहाथारिनि ...

फाहामसालियाव फाहामथाय लाबाय थानाय समावनो जोबथा हों बोयो प्रभावति ब्रहमआ। कक्राझार जिल्ला बर' थुनलाइ आफादनिफ्राय बयजोंबो मिथिजानाय आर्जोनि थैनायाव गोथौ दुखु मोन्नाय फोरमायनाने दुखुथिया नख'रनिसिम समाने दुखु मोनफानाय फोरमायहरदों होनाने बाध्राखों कक्राझार जिल्ला बर' थुनलाइ आफादनि आफादगिरि बिजेल कुमार बसुमतारि आरो नेहाथारि दिनेश बरगयारी मोनहा गांसे रदाव बिबुंसारनि गेजेरजों फोरमायहरो।

## कक्राझारआव मेलेरियाआ गिखंथाव महर लादों

थानाय भारत-भुटान सिमनानि गामि ओन्सोलाव मेलेरियानि सन्देस्ताय गिखंथाव हावव बांदों। मख 'नो गोनादि, लुंसुं ओन्सोलनि बनगाव आरो साहा ओन्सोलाव थानो हाथामेलानि मोजां राहा गैया। जायनि जाडनाव बे ओन्सोलनि राइजो-रजाफोर फाहामथाय राहानिफ्राय जानगराव थानो गोनं जादों। मेलेरिया बिफाननि मावफारियाफोरबो हाथामेला राहाया मोजां नडेनि थाखाय मेलेरिया होबथानयनि जेबो राहा लानो हायाखें। जायनि थाखाय बे ओन्सोलाव मेलेरिया बेरामजों नाखेबजानायनि अन्जिमाया बांनो हमदों। अदेबानि लोब्बा गोनं बिफाननि जिल्ला बिबानगिरिआ दासान्दि मेलेरिया होबथानयनि राहा लादों होनाने फोरमायदों। मख 'नो गोनादि, थानाय बोसोरार कक्राझार जिल्लायव मेलेरियाजों नाखेबजानायनि अन्जिमाया गासै 256 मोन। नाथाय बे बोसोरार गिखंथाव महैरें नभेम्बर दानसिम मेलेरियाजों नाखेबजानायनि अन्जिमाया 1901 सिम बांनानयनि फोरमायथिखों बिफानारि सुलुंनिफ्राय मोनो हादों।

## गसाइगावयाव मा 40 मोसौजों लोमोसे कन्टेइनार बोखांदों, सासेखों हमबाय

सिगांगो खौरं मोन्नायनि बिथायाव गसाइगाव महकुमा पुलिस बिबानगिरि हिन कुमार डेकानि दैदेनायाव पुलिसनि मोनसे हान्जाया थानाय हरनिफ्राय माहारियारि रजा लामायाव सिप्रोमनाय हाबाफारि लानाने दिने फुंभिलि समाव मोसौजों लोमोसे ट्रकखों हमनो हादों। मख 'नो गोनादि, बिहारनिफ्राय मेघालयनि बर्निहटसिम मोसौफोरखों लांगोसिनो दडमोन होनाने मिबिथिनो मोन्नाय जादों। पुलिसआ मोसौफोरजों लोमोसे ट्राफोरखों बोखानाने थानासिम लाबोनाने दोनफेदों।



# गाहाम देहानि राहा

## फुनि समाव नोरसिं बिलाइनि दै लोनाया उदैनि थाखाय मुलाम्फा गोनां

मुलियारि गुनफोरजों बुंफुबनाय नोरसिं बिलाइया सावस्त्रिनि थाखाय बोर जानो हागौ। नोरसिं बिलाइखौ खालि आदारनि थावनायखौ बांहोनो थाखायल' बाहायनाय जायो सानोब्ला गोरोन्थि जागोन। नोंथाख मिबथियोना आयुवेदिनि बायदिब्ला, नोरसिं बिलाइनि दै खौ नेमवादिथै लोनायै सावस्त्रिजों सोमोन्दो थानाय गोबां जेनाफोरनिफ्राय रैखा मोनो हागोन। नोरसिं बिलाइनि दै बानायनो थाखाय गिलाससे दै लानानै 7-8 नोरसिं बिलाइखौ मोजाडै सुनानै दैखौ 10 मिनटसो रुनागौ। सावस्त्रिनि फिथाय मोनो थाखाय जेब्ला बे रुनाय दैया गुसु जायो, अब्ला बेयाव बेरे मोदे गलायनो हायो। बेनि उनाव बे विदेखौ फुनि जाग्रा आदाराव सोफादेरनो हागोन। जुदि नोंथाख



सानफ्रोमबो नोरसिं बिलाइनि दै लोनायै जागायजेनोब्ला बिबुनि सावस्त्रिया सावसिन जानो हमगोन, जाय सुबुफोरनाव गोबां समावनो कनस्टियेसन एबा गेसनि जेनाफोर जायो, बिसोर गावनि सानखौ नोरसिं बिलाइनि दै लोनायै जागायजेनोब्ला सानैसोनि गेजेरावनो उदैया साफा जानो हमगोन। बेनि अनगायैबो नोरसिं बिलाइनि दैया लिरथाय खमायनायावबो गोबां बिबासिम गोरलै खालामनो हागौ। नोरसिं

बिलाइनि दैया थैखौ गोगो खालामनायाव हेफाजाब होनो हागौ। बेल' नड, नोरसिं बिलाइनि दै लोखोब्ला। लिभानि सावस्त्रिखौबो गोबां बिबाडव सावसिन खालामनो हायो। बेनि अनगायैबो नोरसिं बिलाइनि दै लोनायै ब्लाड सुगारनि थाखोखौबो गोबां बिबासिम सामलायनो हायो। नोरसिं बिलाइखौ डाइबिटिस बेरामिफोरनि थाखायबो मुलाम्फा गोनां होना मानिनाय जायो।

## हलिउडनि फावगिरिफोरा डनाल्ड ट्राम्पनि 'बायपिक'नि फारसे बाश्ना सावरायनो गिदों



हलिउडनि फावखुंगुर सेबेस्टियन स्टेनआ बे सोलिफु बोसोरआव मोनै रिभियरनि गेजेरजों मुंदांखा सावथुनफोरव फाव खालामदों आरो बे सावथुनफोरनो जादों 'एडिफरेस्ट मेन' आरो 'द एप्रैन्टिस' नैथि सावथुनाव सेबेस्टियनआ हादतगिरि बिसायख'थियाव डनाल्ड ट्राम्पनि बिफाव लादों। अदेबानि बेखौ लानानै बिथाड माखासे बाश्ना फोरमायदों। सेबेस्टियन स्टेननि बुंनाय बायदिब्ला, बिथानि लोगो फावगिरिया बिथानि जेना गोनां डनाल्ड ट्राम्पनि सावथुनजों जेबो लोब्ला लानो लुबैयाखै।

फावखुंगुरआ फोरमायोदि, बिथानि भेरायटि पत्रिकानि 'एक्टर्स अन एक्टर्स सिरिजआव बाहागो लानो थाखाय खवलायहरदोंमोन आरो बेव सानै फावगिरिफोरखौ गावजों गाव इन्टरभिड लालायनो थाखाय जयै जथायनाय जायो, नाथाय सेबेस्टियनआ बुडोदि, बे नुजाफेनाया बेनि थाखाय नड, मानोना गुबुन माखासे फावखुंगुरफोरा बायपिक 'दा एप्रैन्टिस' आव हादतगिरि बिसायख'थिनि ट्राम्पनि महरव बिथानि बिफावनि सायाव सावरायनो लुबैयाखैमोन। सशेल मिडियाआव शेयार खालामनाय

बे भिडिअनि बायदिब्ला, सावथुननि स्क्रिनिनि गेजेरजों सेबेस्टियनआ बुडोदि, आं शुक्रवारखालि भेरायटि एक्टर्स अन एक्टर्सआव खामानि मावनो थाखाय प्रफसेल मोन्दोंमोन आरो आंहा बे बायदि खालामनो थाखाय गुबुन रावखौबो फावखुंगुरखौनो मोनासै, मानोना बिथानिआ बे सावथुननि सोमोन्दै बाश्ना सावरायनो जोबोद गियोमोन। बेनिखायनो आं बे खामानिखौ मावनो हायाखै। सेबेस्टियनआ मंगलबारखालि लस एन्डिल्सआव सावथुननि स्क्रिनिनि गेजेरजों सावथुननि डायरेक्टर आलि अब्बासिजों लोगोसे सावथुननि फारसे गुवारै बाश्ना सावरायदों। फावखुंगुरआ बुडोदि, बे हलिउडआव फावखुंगुरफोर, डायरेक्टरफोर आरो गुबुन सुबुफोरनि गेजेरजों बिथानि लोगोसे पारसनेल बाश्ना सावरायनायाव सावथुननि मोजां मोनाय फारसे बेरेखा जायो।

## सामन्ता रुट प्रभुनि गोजाम बिडिअआ भाइरेल जानायखौ नुनानै सुबुंफोरा गोमोहाबदों



सामन्ता रुट प्रभुआ आधिखालाव एक्शन वेब सिरिज 'सिटाडेल: हनी बनी' खौ लानानै खौराडव थादों। बे फावखुंग्रिनि 14 बोसोर गोजाम मोनसे भिडिअआ आधिखालाव भाइरेल जागासिनो दड आरो बे भिडिअआव बिथानि सिनायथिनो जोबोद गोब्राव जादों। अन्सायगिरिफोरा सामन्तानि बे ट्रान्सफरमेसनखौ नुनानै गोमोहाबदों। माखासे अन्सायगिरिफोरनि बुंनाय बादिब्ला, बिथाड गावखौ समाइना नुनायनि प्लास्टिक सार्जारि खालामदों आरो माखासेफोरा बिथानि रश्मिका मन्दनाजों रुजुदों। सामन्तानि जाय भिडिअआ भाइरेल जागासिनो दड बेयो मोनसे टेलकम पाउडरनि एड। अन्सायगिरिफोरा फावखुंग्रि सामन्ता होनानै फोथायनो हायाखै आरो बिथानोहा गोबां कमेन्टफोर खालामनो हमदों।

बेनि गेजेरजों फावखुंग्रिआ गोजों गलाप आरो गोमो गाबनि सुट गान्नायमोन आरो बिथाड केमेरानि सिगाडव मिनदों। सासे इजजारआ लिरोदि, आंहा सानैनि गेजेराव रावखौबो सामन्ता नुयाखै। नैथि इजजारआ लिरोदि, बिथो माब्लाबाबो सामन्ता जानो हाया। 'गुबुन सासे इजजारआ कमेन्ट खालामना लिरोदि, बटवस, फिलर, सार्जारि।' उनाव कमेन्टआव फैयो बिथाड मोखांखोनो सोलायनानै लाबाय। 'बेफोर नेगेटिव कमेन्टफोरनि जाउनवबो माखासे सुबुंफोय सामन्तानि समाइना महरखौ बाखायदों। सासे इजजारआ लिरो, बिथाड बे समावनो समाइनामोन आरो दाबो बरयनिखुडो समाइनासिन।' बबेखानि माखासे उन्सायगिरिफोरा बिथानि रश्मिका मन्दनाजों रुजुदों।

आवारा फागल दीवाना', लजा, शुटाउट एट लखन्डवाला आरो हे बेबि बायदि सावथुनफोराव नुजाथिनाय फावखुंग्रि आरति छाबडियानि दिने जोनोम सान। आरतिआ दिने गावनि 42थि जोनोम सान सेलिब्रेट खालामदों। आरतिआ सावथुनफोरनिफ्राय रां आरजिनायजों लोगोसे मोनसेनि उनाव मोनसे सावथुनबो खालामबोबाय थादों आरो गिदिर गिदिर स्टारफोरजों लोगोसे सावथुनाव खामानि मावदों। नाथाय बिथाड उनाव

# आमिर खाननि 'लापता लेडिस' सावथुन मोजां रां आरजिनो हादों

फिमस्तर पारफेक्सनिस्ट आमिर खानआ शाहरुख खाननि 250 कौटि रनि बाजेटनि सावथुनखौ एक्टि खालामा लासैनो पटखनि होबाय। अदेबानि, किरण रावनि डायरेक्सन आरो आमिर खाननि प्रडाक्सनआव दिहुन जानाय लापता लेडिस सावथुननि मुंखौ सोलायनानै लास्ट लेडिस खालामबाय। बे सावथुना दा जापानआव रिलिज जाबाय आरो बे सावथुन बक्स अफिसआव गावनि दोहौ सोमजिहोदों। 2024 नि 4 अक्टबरआव लापता लेडिसआ जापानआव रिलिज जादोंमोन। लापता लेडिस सावथुना डेब्युजों लोगोसेनो बाहुबलि 2, दंगल, टाइगर 3 आरो



ब्रह्मास्त्रखौ अपेनि उडकेन्डआव उन फारसे गारबोदोंमोन। बेनि उनावबो लान्थियै बे सावथुनखौ रां आरजिनाय नुनो मोन्दों। बेनि गेजेराव 45 सानफोराव किरण रावनि डायरेक्सन बानाय जानाय बे सावथुना जापाननि बक्स अफिसआव 50 मिलियन डलार एबा 2.70 कौटि रनि बांसिन

रां आरजिबाय। निशि शा नि बायदिब्ला, लापता लेडिसआ पटान सावथुनखौ उन फारसे खालामबाय आरो बे सावथुना 50 मिलियन डलारनि थाखोयाव इसे खम रां आरजिदोंमोन। अदेबानि प्रभासनि सालार सावथुना 46 मिलियन डलार एबा 2.49 कौटि

रां कालेक्शन खालामदोंमोन आरो बे कालेक्शनआ लास्ट

लेडिसनिखुइ खमसिनमोन। बबेखानि जापानआव टप-5 इन्डियन ग्रसर्सआव बाहागो लानो थाखाय लापता लेडिस सावथुना बक्स अफिसनि कालेक्शनआव खमैबो 109 जौखोन्दो दावखोनां गौनि गोनांथि। मख'नो गोनांदि, बेयो इसे गोब्राव नाथाय 5 कौटि रनि बाजेटआव 250 कौटि रनि पटान सावथुनखौ उन फारसे गारबोदो हानाया जोबोद बाखाय जाथाव।

## 'हाउ टु ट्रेन इडयार ड्रेगन' सावथुननि टिजार-ट्रेलारखौ रिलिज खालामबाय



इडनिभासैल पिक्चार्सआ मस्ट आपडेटेड सावथुन 'हाउ टु ट्रेन इडयार ड्रेगन' नि टिजार-ट्रेलारखौ रिलिज खालामबाय। बे फैनो गोनां सावथुनखौ अन्साइगिरिफोरा गोबाव समनिफ्रायनो नेनानै दडमोन। गमामायैनो मेकासफोरा हलिउड लाभासफोरनि एक्साइटेमेन्टखौ बांहोनायजों लोगोसे सावथुननि टिजार-ट्रेलारखौ अफिसिएल चेनेलआव रिलिज खालामबाय। जेब्लानिफ्राय बे सावथुनखौ फोसावनाय जादोंमोन, बे समनिफ्रायनो नायगिरिफोरनि गोसोआव माखासे सौलु सिखादोंमोन जे हिक्कप आरो तुथलेसखौ गिदिर पर्दांआव माबायदि फावआव नुनो मोनगोन। आधिखालाव बे सावथुनजों लोब्ला थानाय बांसिन सौलुफोरनि फिनायखौ सावथुननि टिजारनिफ्राय मोनबाय जानांगौ। डिन डेब्लइसआ सासे कानाडानि डायरेक्टर, बिथोनगिरि आरो एनिमेटर। हाउ टु ट्रेन इडयार ड्रेगन' सावथुननि बिबानखौबो बिथानो लोदोंमोन। बे सावथुना फैनो गोनां बोसोरनि 13 जुन 2025 आव थियेटरफोरव रिलिज जागोन। बे सावथुना 2010 माइथायनि हिट एनिमेटेड सावथुननि लाइभ-एक्सन कनभासनि। जुदि नोंथांमोनहा एनिमेटेड सावथुनफोरखौ मोजां मोनो, अब्ला जानो हागौ बेनि सल'आ नोंथांमोननि गोसोखौ बोनो हागोन। सावथुनाव आमेरिकानि फावखुंगुर मेसन टेम्स हिक्कपनि फाव दिन्थिगोन। फारसेथि जेराड बटलखौ हिक्कपनि बिफा स्टाइक द वास्टनि फावआव नुनो मोनगोन। टिजार-ट्रेलारनि बाश्ना सावरायोब्ला, जागायजेनायावबो बर्क मुनि काल्पनिक नडिक दविपनि नुशाइखौ नुनो मोनो। बेनि अनगायैबो माखासे गोसो बोनो हानाय सिनफोरखौबो टिजार-ट्रेलारआव दिन्थिनाय जादों। बे मस्ट आपडेटेड सावथुनाव मुंदांखा स्टारफोरखौ लोगोसे जयै नुनो मोनगोन। बेव जुलियान डेनिसन ग्रेब्रियल हावेल, ब्रानविन जेम्स, जेराड बटलर आरो मेसन टेम्स बायदि माखासे फावगिरिफोरबो दं।

इडनिभासैल पिक्चार्सआ मस्ट आपडेटेड सावथुन 'हाउ टु ट्रेन इडयार ड्रेगन' नि टिजार-ट्रेलारखौ रिलिज खालामबाय। बे फैनो गोनां सावथुनखौ अन्साइगिरिफोरा गोबाव समनिफ्रायनो नेनानै दडमोन। गमामायैनो मेकासफोरा हलिउड लाभासफोरनि एक्साइटेमेन्टखौ बांहोनायजों लोगोसे सावथुननि टिजार-ट्रेलारखौ अफिसिएल चेनेलआव रिलिज खालामबाय। जेब्लानिफ्राय बे सावथुनखौ फोसावनाय जादोंमोन, बे समनिफ्रायनो नायगिरिफोरनि गोसोआव माखासे सौलु सिखादोंमोन जे हिक्कप आरो तुथलेसखौ गिदिर पर्दांआव माबायदि फावआव नुनो मोनगोन। आधिखालाव बे सावथुनजों लोब्ला थानाय बांसिन सौलुफोरनि फिनायखौ सावथुननि टिजारनिफ्राय मोनबाय जानांगौ। डिन डेब्लइसआ सासे कानाडानि डायरेक्टर, बिथोनगिरि आरो एनिमेटर। हाउ टु ट्रेन इडयार ड्रेगन' सावथुननि बिबानखौबो बिथानो लोदोंमोन। बे सावथुना फैनो गोनां बोसोरनि 13 जुन 2025 आव थियेटरफोरव रिलिज जागोन। बे सावथुना 2010 माइथायनि हिट एनिमेटेड सावथुननि लाइभ-एक्सन कनभासनि। जुदि नोंथांमोनहा एनिमेटेड सावथुनफोरखौ मोजां मोनो, अब्ला जानो हागौ बेनि सल'आ नोंथांमोननि गोसोखौ बोनो हागोन। सावथुनाव आमेरिकानि फावखुंगुर मेसन टेम्स हिक्कपनि फाव दिन्थिगोन। फारसेथि जेराड बटलखौ हिक्कपनि बिफा स्टाइक द वास्टनि फावआव नुनो मोनगोन। टिजार-ट्रेलारनि बाश्ना सावरायोब्ला, जागायजेनायावबो बर्क मुनि काल्पनिक नडिक दविपनि नुशाइखौ नुनो मोनो। बेनि अनगायैबो माखासे गोसो बोनो हानाय सिनफोरखौबो टिजार-ट्रेलारआव दिन्थिनाय जादों। बे मस्ट आपडेटेड सावथुनाव मुंदांखा स्टारफोरखौ लोगोसे जयै नुनो मोनगोन। बेव जुलियान डेनिसन ग्रेब्रियल हावेल, ब्रानविन जेम्स, जेराड बटलर आरो मेसन टेम्स बायदि माखासे फावगिरिफोरबो दं।

## आलिया भाट्ट आरो केट्रिना केफआ महाराष्ट्र बिसायख'थि 2024 नि भटखौ होनो हायाखै



शाहरुख खान, सलमान खान, अक्षय कुमार, कियारा आडवाणी, कार्तिक आर्यानि, श्रद्धा कापुर आरो राजकुमार रावजों लोगोसे माखासे बलिउडनि फावगिरिफोराबो 20 नभेम्बरआव जानाय महाराष्ट्र बिधान सभा बिसायख'थि 2024 आव बाहागो लादों। बे सेलेन्सफोरा गावसिनि मोजां मोनाय रिप्रेसेन्टेटिवनि थाखाय भट होदों। अदेबानि फारसेथि, जेराव माखासे फावगिरिफोरखौ भट होनायाव नांथावनाय नुदोंब्ला, गुबुन फारसेथि, आलिया भाट्ट, केट्रिना केफ, नरा फातेहि आरो जेकलिन फर्नान्डिजजों लोगोसे माखासे

गाहाइ फावगिरिफोरखौबो बेयाव नुनो मोनाय जायाखै। मिबथि होनाय जायोदि, आलिया भाट्टआ इन्डियान सिटिजेन नडा। बिथाडा ब्रिटिशनि नोगोरारिसो। बेनि जाहोनानो जादों बिथाडा भारतआव भट होनो थाखाय ओंखारबोयाखै। आलियाआ बेनि सिगां गावनि गिबि हलिउडनि सावथुन बार्ट अप स्टेनि प्रमशननि गेजेरजों बे बाश्नाखौ बुंदोंमोन। गेल गेडरनि मोनसे भिडिअआव आलियाआ गावनि ब्रिटिश नोगोरारि जानायखौ रोखा खालामनानै मिबथिहोदोंमोनदि, 'आंनि बिमानि जोनोमा बर्मिघमआव जादोंमोन, नाथाय आं भारतआव

जोनोम जानानै देरबोदों।' केट्रिनानावबो ब्रिटिशनि पासपर्ट दड। बिथानि बिफा महम्मद केफआ काश्मिरनि सासे ब्रिटिश पालांगिरि, बिथानि बिमा सुजेन टकटेआ सासे इंगजी लयार। दा एशियान एजोनो होनाय मोनसे इन्टारभिडआव केट्रिनाआ बुंदोंमोनदि, 'आं सासे भारतआरि आरो आंनि बिफायावो भारतआरि। बबेखानि आंनि बिमाया ब्रिटिशनि नाथाय जेब्ला आं 17 बोसोर बैसोनि जाबायमोन अब्ला आंनि बिमाया भारतआव फेदों आरो बे समनिफ्रायनो बेनो आंनि न'।' नरा पातेहीआवो कानाडानि नोगोरारि। नराआ बलिउडआव केरियार बानायनो थाखाय कानाडानिफ्राय भारतआव फेदोंमोन। बिबिसि एसियाय इन्डास्ट्रिआव गावनि दावबायनायखौ गोसो खानानै नराआ बुडोदि, आंहा जे खाबुफोरखौ मोन्दोंमोन बेखौ आं जोबथा मिनटिआव मोन्दोंमोन आरो थियारि जानानै दंमोन।

## फावखुंग्रि आरति छाबडियाआ 42थि जोनोम सान फालिदों

आवारा फागल दीवाना', लजा, शुटाउट एट लखन्डवाला आरो हे बेबि बायदि सावथुनफोराव नुजाथिनाय फावखुंग्रि आरति छाबडियानि दिने जोनोम सान। आरतिआ दिने गावनि 42थि जोनोम सान सेलिब्रेट खालामदों। आरतिआ सावथुनफोरनिफ्राय रां आरजिनायजों लोगोसे मोनसेनि उनाव मोनसे सावथुनबो खालामबोबाय थादों आरो गिदिर गिदिर स्टारफोरजों लोगोसे सावथुनाव खामानि मावदों। नाथाय बिथाड उनाव



सावथुन मुलुगनिफ्राय गावखौ जानगार खालामना लायो। 1999 माइथायाव मिस इन्डिया

वार्ल्डवाइडनि बिमुं देरहानो हानाय आरति छाबडियाआ एडभारटइसमेन्टनि मुलुगआव

गोबां मुं खामायो। बिथाड गोबां ब्रान्डसफोरजों लोगोसे खामानि मावदों। आरतिआ

आइसक्रिमनिफ्राय लानानै फेस वाश, टुथपेस्टजों लोगोसे खमैबो 300 निखुइबो बांसिन एटभारटइसमेन्टआव खामानि मावदों। बेनि अनगायै बिथाड माखासे एल्बामफोरवबो बाहागो लादोंमोन। 2001 माइथायाव बिथाड 'लजा' सावथुनिफ्राय गावनि डेब्य खालामदोंमोन। बेयाव रेखा, माधुरी दिक्षित, अनिल कापुर, मनिषा कइरला, अजय देभगान, महिमा चौधुरी, जेकि श्रफ बायदि फावगिरिफोरखौ नुनो मोन्दोंमोन। गिदिर स्क्रिनिनि बाश्ना सावरायोब्ला आरति छाबडियाखौ जोबथा खेब 'दस तोला' आव नुनो मोन्दोंमोन। बेनि अनगायैबो बिथाडा मोनसे पान्जाबि सावथुनावबो दंफयोमोन, जायनि मुडनो जादों 'व्याह 70 किमि'। बे सावथुना 2013 माइथायाव रिलिज जादोंमोन। अदेबानि 2022 आव बिथानि सलमान खानजों लोगोसे मोनसे एडभारटइसमेन्टआवबो नुनो मोन्दोंमोन। 2018 माइथायाव आरतिआ अस्ट्रेलियानि बेस्ट टेस्ट कनसाल्टेन्ट भिशारद बिदासिजों जुलि जायो आरो सावथुनफोरनिफ्राय जानगाराव थायो। मख'नो गोनांदि, बिथाड आधिखालाव गावनि नख'रजों लोगोसे अस्ट्रेलियाव थायो।

## राफेल नाडालनि आजिराआव मुंदांखा गेलेगिरिफोरा इमसनेल जादों

माद्रिद, 21 नभेम्बर: स्पेननि स्टार गेलेगिरि राफेल नाडालआ टेनिसनिफ्राय आजिरा लाबाय। 38 बोसोर बैसोनि नाडालआ डेभिच कापनि क्वार्टर फाइनलाव थाइलेन्डनि जेन्डसुल्फजों जेन्नादों। खेब 22 ग्रेन्डस्लेम देरहानाय नाडालआ गावनि 23 बोसोरनि केरियारआव गोबां जाफुंसाराय मोन्दों। जायनि थाखाय बिथानि आजिरनि उनाव नभाक जकभिचनिफ्राय लानानै कार्लस अल्कारेजसिम गोबां गेलेगिरिफोरा इमसनेल जादों। खेब 24 ग्रेन्डस्लेम सेम्पियन आरो नाडालनि गोखौ बादायारि नभाक जकभिचआ बिथानि केरियारआव दिन्थिफुनायखौ लाइमोनफोरनि थाखाय लामा सुसांनाय फोरमायो। लोगोसे बिथानि गावनि बादायलायनो मोनायखौ खाफाल गोनां फोरमायो। जकभिचनि सिगां रजार फेडेरावबो ससेल मिडियाआव बिथानि आजिरनि सायाव इमसनेल पस्ट होदों। खेबनै गल्ड मेडलिस्ट ब्रिटेननि एन्डि मुरेआवो नाडालनि केरियारनि समाव दिन्थिफुनाय गोहोखौ



बाखायो आरो बिथानि दिन्थिफुनायखौ जेब्लायबो नायगिरिफोरा गोसोआव लाखिलांगोन होनानै फोरमायदों। खेबनै ग्रेन्डस्लेम सेम्पियन आरो नाडालनि समान रैकिंनि कार्लस अल्कारेजआवो कर्टआव बिथानि ओंखारफानो मोनायखौ गावनि केरियारनि खाफाल गोनां होना फोरमायदों।



